

注音

王仲瞿詩

提要

仲瞿人奇文奇，詩爲餘事。集中諸作，天人並至，大半以議論行之，奇而不詭于正，讀之令人氣王。雖所作不多，而嘗其一鬢，已足藥庸弱而有餘；宜當時爲之傾倒也。

小傳

先生名曇，字仲瞿，一名良士，浙江秀水人。乾隆舉人，工畫，詩文奇肆。好游俠，通兵家言；善弓矢，上馬如飛；慷慨悲歌，不可一世。有煙霞萬古樓集。

晉王仲瞿詩

王仲瞿詩

目次

項王廟	一
留侯祠	三
盧忠烈墓	四
蘇臺留別	七
松門望海觀都督李長庚將軍水師大戰	一
善才生二十五月矣計識得二百五十餘字	一
示以詩云	一五
晉征虜將軍東亭侯廟在虎山之東俗所稱	一
短簿祠也堯廬雄暢登內殿五十三級爲	一
夫人之宮余以靈孫禮致禱於吾祖之靈	一
假館內寢獻詩一首	一七

鐵雲先生烏戍書來先日與桐門舅氏看花	一
山塘連舟話別書來述及敬報一郵	一八
奉和舒鐵雲姨丈見贈之作	二〇
金鐘山題李王廟并書夫人寢碑	二二
平山堂同金棕亭羅兩峯兩先生作	二五
焦山夜泊	二六
漂母祠懷韓齊王作	二六
銅雀臺故址	二七
唐河西節度王忠嗣墓	二八
漢武帝茂陵	三〇
絳帳村相傳爲馬季長傳經處	三三

晉 王仲瞿詩

隋底懷漢大將軍馮異·····	三四
晉洪稗存太史大江東去詞後·····	三六
住穀城之明日謹以斗酒牛膏琵琶三十二	
絃致祭于西楚霸王之墓·····	三六
鶴市詩於虎邱之盈盈一水樓·····	三九
別法梧門庶子詩龕·····	五〇
讀雲伯大令新寫頤道堂集將毀其碧城仙	
館舊刻而重鐫者翻虛入渾三舍避之蓋	
冀州遇舒鐵雲丈時已知此集之光也·····	五一
海上雜詩·····	五三
題五雲所畫大唐長公主像·····	五五
春草池聞四絃聲·····	五六

注音 王仲瞿詩

蔣劍人先生選本

七古

項王廟

項籍，字羽，下邳人。年二十四，與季父梁起兵吳中，三年遂將五諸侯滅秦，分裂天下而封王侯，政由羽出，自號西楚

霸王，起兵八歲，身七十餘戰，所當者破，所擊者服。漢兵圍之東城，乃自刎而死。

立馬一呼千人號，音咸陽大火不足燒。十八諸侯作臣子，如何不舞鴻門刀？

陳平美奴張良女，淮陰之少小兒乳。功臣反面見君王，吾亦傷心老亞父！音府君王

如玉妾如花，君馬一走天下瓜。赤蛇不死白蛇死，妾骨空闌_{填通}垓_{該音}下沙兒女英

雄兩不足，水廟山煙吾來宿。八千子弟大風來，父老江東到今哭。

【咸陽大火】咸陽，秦都，故城在今陝西長安縣東。（史記項羽本紀）項羽引兵西屠咸陽，殺秦降王子嬰，燒秦宮室，火三月不滅。

【十八諸侯】漢王劉邦、雍王章邯、塞王司馬欣、翟王董翳、西魏王魏豹、河南王申陽、韓王韓成、殷王司馬卬、代王趙歇、常山王張耳、

九江王黥布、衡山王吳芮、臨江王共敖、遼東王韓廣、燕王臧荼、膠東王田市、齊王田都、濟北王田安。【鴻門刀】鴻門，地名，在陝西臨

晉注王仲瞿詩

二

淮縣東，今日項王營。項羽與沛公會飲鴻門，范增出召項莊，莊入爲壽，拔劍起舞，項伯亦拔劍起舞，常以身翼蔽沛公，莊不得擊。〔陳

平美奴〕〔史記陳丞相世家〕平爲人長，美色。〔張良女〕〔史記留侯世家〕至見其國，狀貌如婦人好女。〔淮陰句〕〔史

記淮陰侯傳〕淮陰侯韓信者，淮陰人。小兒乳者，嘗云乳臭小兒耳。〔功臣句〕〔淮陰侯傳〕漢六年，人有上書告楚王信反，信謁高

祖於陳，上令武士縛信載後車，至雒陽，赦信罪，以爲淮陰侯。〔亞父〕范增也，年七十，說項梁，楚王以爲未將，爲項羽謀臣。後項羽疑

范增與漢有私，稍奪其權，增大怒曰：天下事大定矣，君王自爲之，願賜骸骨歸卒伍。項王許之，行未至彭城，疽發背而死。〔君王二

句〕〔項羽本記〕項王軍壁下，兵少食盡，漢軍及諸侯兵圍之數重，項王夜起飲帳中，有美人名虞，常幸從，駿馬名騶，常騎之。於是

項王乃悲歌慷慨，自爲詩曰：力拔山兮氣蓋世，時不利兮騶不逝，騶不逝兮可奈何！虞令虞兮奈若何！歌數闕，美人和之，項王泣數行下，

左右皆泣，莫能仰視。天下瓜，謂天下瓜分也。〔赤蛇句〕〔史記高祖本記〕高祖拔酒，夜徑澤中，令一人行前，行前者還報曰：前有大

蛇當徑，願還。高祖醉曰：壯士行何畏！乃前拔劍擊斬蛇，蛇遂分爲兩。徑開，行數里，醉因臥，後人來至蛇所，有一老嫗夜哭，人問何哭，嫗曰：

人殺吾子，故哭之。人曰：嫗子何爲見殺？嫗曰：吾子，白帝子也，化爲蛇當道，今爲赤帝子斬之，故哭。人乃以嫗爲不誠，欲笞之，嫗因忽不見。

〔妾骨句〕閼，塞也。接下地名，在今安徽靈璧縣東南。〔史記正義〕括地志云：虞姬墓在濠州定遠縣東六十里。〔八千子弟〕

〔項羽本記〕項王乃欲東渡烏江，烏江亭長橫船待謂項王曰：江東雖小，地方千里，衆數十萬人，亦足王也。項王笑曰：天之亡我，我何渡

爲？且籍與江東子弟八千人渡江而西，今無一人還，縱江東父兄憐而王我，我何面目見之？縱彼不言，籍獨不愧於心乎？〔大風〕〔高

祖本記〕高祖還霸過沛，留置酒沛宮，酒酣，高祖擊筑，自爲歌詩曰：大風起兮雲飛揚，威加海內兮矜故鄉，安得猛士兮守四方！

留侯祠

漢張良封留侯。徐州府志：留侯廟二：一在留城，一在子房山。明宣德初，平江伯陳瑄因旱霖雨有應，建祠祀焉。

子胥鞭楚楚不絕，留侯入秦秦即滅。英雄爲報一家仇，何苦漂流萬人血。胥不得佐太子建，良不得佐韓王成，不爲赤松走，幾爲猛犬烹。功人功狗兩無益，徒受亭公謾罵名。張良不食穀，李泌不娶妻，早欲祠黃石，何如老白衣。君不見五湖范蠡載西施，一舸各我鷗夷去已遲。魯連不忍秦皇帝，密鑄亡秦一柄鎚。（自注）

會海君爲仲連焚土。

【子胥句】子胥，楚伍員字也。父奢，兄尚，爲平王所殺。子胥奔吳，卒佐吳伐楚，入郢，時平王已卒，乃掘其墓，出其尸鞭之三百。楚臣申包

胥至，秦乞師以敗吳，遂復楚。【太子建】楚平王太子。平王使伍奢爲太傅，費無忌爲少傅，無忌讒建於平王，平王疏建，使守城父。無忌

又言太子將爲亂，奢及子尚，由是見殺。太子建出奔宋，與建適鄭，建尋爲鄭人所殺。子胥遂與建子勝俱奔吳。【韓王

成】張良說項梁立韓後，且曰：韓諸公子橫陽君成賢，可立爲王。梁因使良求韓成，立以爲韓王。後韓王成爲項羽所殺。【赤松走】

赤松子，古仙人名。《史記留侯世家》：留侯曰：今以三寸舌爲帝者師，封萬戶，位列侯，此布衣之極，於良足矣。願棄人間事，欲從赤松子遊

耳，乃學辟穀道引輕身。【猛犬烹】《史記越王勾踐世家》：蜚鳥盡，良弓藏，狡兔死，走狗烹。【功人功狗】高帝嘗語諸將曰：

夫獲殺獸鬼者，狗也；而發縱指示者，人也。今諸君徒能得走獸耳，功狗也；至如蕭何，發縱指示，功人也。見《史記蕭相國世家》。【亭

公說罵】漢高祖起自泗上亭長，性好護罵。【李泌】字長源，唐京兆人。常遊嵩華終南間，慕神仙不死之術。天寶間，以翰林供奉

東宮，肅宗即位，泌至進謁，處以賓友，入議國事，出陪宴。後隱衡山，德宗在奉天，召赴行在，旋拜中書侍中，同平章事，封鄆侯。泌不

娶妻，不食肉。【洞黃石】張良遊下邳圯上，有一老父至良所，直墮其履圯下，顧謂良曰：「孺子下取履，良爲其老，強忍下取履。老父笑

曰：「孺子可教矣！」因出一編書，曰：「讀此則爲王者師矣。」後十三年，孺子見我濟北穀城山下黃石，即我矣。【老白衣】肅宗欲授李泌官，

泌固辭，願以客從。衆指曰：「著黃者聖人，著白者山人。」【五湖二句】五湖卽太湖，跨江蘇浙江二省。范蠡之齊，自號鸕夷子皮。《越

絕書》：西施亡吳後，復歸范蠡，同泛五湖而去。《杜牧詩》：西子下姑蘇，一舸送鴟夷。【魯連】魯仲連，齊人，高蹈不仕，遊於趙。秦圍趙

急，魏使新垣衍請帝秦。仲連駁不許，見衍曰：「彼卽肆然爲帝，連有蹈東海而死耳。」秦軍爲却。

盧忠烈墓

盧象昇，字建斗，明宜興人。天啓進士，繡將略，屢有戰功。崇禎時，官至兵部尙書，督天下援兵，與清兵血戰，殲盡

矢竭而死，諡忠烈。墓在宜興縣溧陽西洋畝。《見江南通志》

文不能華人國，武不提戈殺強賊，少年科第老勳官，笑倒孔門童五尺。一代文章明八股，崇禎元年天地腐，黑山大舉白波來，五色兵官亂無主。天生奇才洪

承疇，當時不知皋夔流，遂薊計音長城呼道濟，中原一壁付盧侯。白面書生三十九，

（自注）公像存廟中，微髯白面，美書生也。

獨獨音體體音模糊血在手，一刀揮擲萬刀飛，（自注）以佩刀斃，今

廟中無其物矣。

不見賊前見賊後。公之拉賊如拉枯，音鄖音陽音潯音蕩，光州屠，當時殺入

潞州境，五里橋邊一賊無，鉅鹿呼援援不至，可恨諸奴壁上視，賈莊一戰滿身紅，夜半蒿橋鼓聲死。公不羨南霽雲，張睢陽，大忠大勇無文章，亦不羨吹胡笳，讀孝經，書生之兵紙上靈。觀公筆下字，讀公集裏詩，身如魯郡顏開國，人似中原卞望之。爛羊之尉竈下養，棘門遊戲中軍帳，明朝中葉太平時，錯當仇鸞是福將。

【華國】（陸雲張二侯頌）文敏足以華國。

【孔門童五尺】（漢書董仲舒傳）是以仲尼之門，五尺之童，產稱五伯。

【八股】

（顧炎武日知錄）經義之文，流俗謂之八股，蓋始於成化以後。股者，對偶名也。天順以前，經義之文，敷衍傳注，或對或散，初無定格，成化

二十三年會試，乃以反正虛實淺深，屑屑立格，八股之制，實始於此。

【崇禎】（明思宗年號。）

【黑山句】（九州春秋）張角之反也，

黑山白波黃龍左校牛角五鹿羝根苦蟬相繼而起。（魏志張燕傳）燕常山真定人，合衆少年爲羣盜，衆至百萬，號曰黑山。（後漢書書

帝紀）南單于叛，與白波賊寇河東。

【五色句】（淮南子）禹南濟於江，黃龍負舟，舟中之人，五色無主，禹乃絜笑。

【洪承疇】

字季九，明晉江人。萬曆進士，官至勅諭總督，與清軍戰於松山，兵敗被執。明帝以爲殉國，予祭十六壇，旋降清。清初開國規制，多爲所定。卒諡文襄。【皋夔】並舜臣，皋陶爲士，夔典樂。【道濟】根道濟，宋高平人，參建武軍事，遷太尉。武帝文帝時，屢立奇功，威名甚重。

朝廷疑畏，收餘之遺，汝見牧，脫轅投地曰：乃擄汝萬里長城。【中原句】（明史本傳）崇禎八年，擢象昇右副都御史，代唐睢巡撫湖廣。

八月，命總理江北河南山東湖廣四川軍務，兼湖廣巡撫。總督洪承疇竄西北，象昇辦東南，尋解巡撫任，進兵部侍郎，加督山西陝西軍務，賜尚方劍，便宜行事。

【白面句】（本傳）象昇白晢而鷹，死時年三十九。【獨饑句】獨饑死人首也。（杜甫詩）子璋髑髏血模糊，手提擲還崔大夫。【拉枯】（晉書）將軍之舉武昌，若摧枯拉朽，何所顧慮乎。【鄖陽】明府治，即今湖北鄖縣。（本傳）賊

入楚，陷鄖陽六縣，命象昇代蔣允儀撫治鄖陽。時劉寇返楚者駐鄖之黃龍灘，象昇與總督陳奇瑜分道夾擊，連戰皆捷，斬賊五千六百有奇。【光州】今河南潢川縣。（本傳）李自成陷光州，象昇復大破之。【潞州】今安徽潞縣。（本傳）高迎祥圍潞州，象昇率總兵

祖寬救潞州，大戰於城東五里橋，斬賊首搖天動，奪其駿馬，賊連營俱潰，遂北五十里。【鉅鹿二句】（鉅鹿今河北平鄉縣地）鉅鹿之戰，諸侯軍至者十餘壁，莫敢縱兵，及楚擊秦，諸侯皆從壁上觀。見（史記項羽本紀）【賈莊二句】（本傳）進師至鉅鹿賈莊，高

起潛擁關寧兵在魏澤，距賈莊五十里而近。象昇遣楊廷麟往乞援，不應，師至臨水橋，遇清兵，遂戰，象昇身中四矢三刃，遂仆。【南霽雲張睢陽】南霽雲，唐賴丘人。張巡，唐南陽人。安祿山反，巡與許遠、雷雲同守睢陽，城陷被執，均遇害。【吹胡笳】（晉書劉琨傳）

在晉陽爲胡騎所圍數重，城中窘迫無計，琨乃乘梯登樓清嘯，中夜奏胡笳，賊流涕歔歔，有懷土之思，解圍去。【讀孝經】（後漢書向栩傳）會眼角作亂，榻上便宜讀讖刺左右，不欲國家興兵，但遣將於河上，北向讀孝經，賊自當消滅。【魯郡顏開國】顏真卿

向栩傳）會眼角作亂，榻上便宜讀讖刺左右，不欲國家興兵，但遣將於河上，北向讀孝經，賊自當消滅。【魯郡顏開國】顏真卿

向栩傳）會眼角作亂，榻上便宜讀讖刺左右，不欲國家興兵，但遣將於河上，北向讀孝經，賊自當消滅。【魯郡顏開國】顏真卿

向栩傳）會眼角作亂，榻上便宜讀讖刺左右，不欲國家興兵，但遣將於河上，北向讀孝經，賊自當消滅。【魯郡顏開國】顏真卿

向栩傳）會眼角作亂，榻上便宜讀讖刺左右，不欲國家興兵，但遣將於河上，北向讀孝經，賊自當消滅。【魯郡顏開國】顏真卿

向栩傳）會眼角作亂，榻上便宜讀讖刺左右，不欲國家興兵，但遣將於河上，北向讀孝經，賊自當消滅。【魯郡顏開國】顏真卿

字清臣，唐臨沂人，玄宗時爲平原太守。安祿山反，獨倡義討之，亂平，遷刑部尚書，封魯郡開國公。

【下望之】字望之，晉瑯句人。

弱冠有名譽，永嘉中爲著作郎，明帝時至尚書令，勳於吏事。成帝立，太后臨朝，與庾亮同輔政。蘇峻反，瑯以尚書令領軍將軍，都督大庾東諸軍事，拒之，軍敗，力疾戰死，二子眕、時同時見害，諡忠貞。

【爛羊句】（後漢書劉玄傳）其所授官爵者，皆羣小賈，或有膳夫廩人，長安爲之語曰：「爛羊頭，關內侯。」

【棘門句】棘門，地名，在今陝西咸陽縣東北。（漢書周勃傳）文帝曰：「鄉者霸上棘門如兒戲耳。」

【仇鸞】明鎮原人，銳孫，嗣侯爵。世宗時出鎮大同，俺答寇邊，鸞爲選戰計，通俺答義子脫脫，約毋犯大同，且許通市。俺答轉犯京師，鸞入援，遇寇而潰，冒功加太子太保，總督京營戎政。尋俺答款關請市，鸞與嚴嵩深相結，遂開馬市於大同。

宜府，達卒盡撤，大遭寇侮，因罷官，恚恨而死。

蘇臺畱別

蘇臺，蘇州之別稱，今吳縣是也。（清一統志）姑蘇臺在吳縣西南。（越絕書）胥門外有元曲路，園閭造以遊姑蘇之臺而望太湖，去縣三十里。

口不吹吳門之簫，手不春梁鴻米，全家風雨一船來，安穩三年住吳市。來時

無一錢，二十四番花底眠，賓客纏頭錢百萬，家僮鼠耗米三千。去又不能遂，粉面

吳娃瓜切，強人醉，琵琶七十二條絃，一一條絃響流淚，青樓十二釵，南部煙花記，

斷袖猶牽飛燕裙，割席還聯麗娟袂。玉壺紅淚涼，流斷女媧腸，金陵已負秋娘謝，

鶴市重悲一妹張。舵樓細雨絃聲急，音鸛音鵲音貫酒文君泣。（自注）內素昵星娘。肉陣屏風散似雲，燭圍尙向封家立。金鎖纜雲舟，張星天上頭。能栽楊柳三千樹，終少鴛鴦一座樓。人間命薄耆卿柳，妓館傳餐我何有！樂遊原土葬詞人。三月清明一桮杯酒。青山綠水兩橋邊，越水吳山總一天。少游終負長沙女，且約虛淵翾切風五百年。楓橋河柳桐橋月，元墓梅花夜如雪。湖山如許尙無情，迹刻潘吾也曾滅。白馬換春娘，逐客路途長。三生如落葉，一曲是迷陽。平頭老奴赤脚婢，項帕濃書繫君臂。綢繆喚取守宮砂，印花顛倒鴛鴦字。

【吳門簫】（史記范雎傳）伍子胥鼓腹吹簫，乞食吳市。

【梁鴻】字伯鸞，東漢平陵人。家貧，尚節介，娶同縣孟氏女，名光，適吳，依大

家卓伯通，居廬下，爲人賃舂，每歸，妻爲具食，舉案齊眉。伯通異之，乃舍之於家，及卒，葬要離冢旁。

【二十四番】案集中二十四風

遠詩序云：余所居爲聽秋館，以秋花名也。春花種畢，額曰二十四風者，以在二十四福堂後也。（歲時記）始梅花，終楝花，凡二十四番花

信風。【賓客句】唐時賓客宴集，爲人起舞，當此證者，即以彩物爲贈，名護頭。如僕固懷恩，爲中使賂奉仙起舞，奉仙以護頭爲贈是也。

【家僮句】（甫史）崔氏傳：率在新安，遣家僮載米三千石還宅，及至，遂耗大半，率問其故，答曰：雀鼠耗。率笑而言曰：壯哉雀鼠！竟不研問。

【粉面】傳粉於面也。（臨楊麟內人詩）粉面仙郎選聖朝，偶逢秦女學吹簫。【青樓】謂伎館也。（杜牧詩）十年一覺揚

洲夢，贏得香襟薄倖名。【十二釵】「白居易酬牛思黯詩」金釵十二行。（注）思黯之妓頗多故云。【南部煙花

記】書名，唐馮贛撰。【斷袖】（漢書）哀帝幸董賢，賢共其妻，賢僞藉上袖，上欲起，賢未覺，不欲動，賢，遂斷袖而起。【飛燕裙

（飛燕外傳）帝於太液池作千人之舟，號合宮之舟，后歌舞歸風從違之曲，帝以文犀簪擊玉璫，令侍郎馮無方吹笙以倚后歌，中流酣歌，

風大起，后揚袖曰：仙乎仙乎！去故而就新，寧忘懷乎？帝曰：無方爲我持后，他日宮姝或襲裙爲綯，號留仙裙。【割席】（世說）管寧華

歆常同席讀書，有乘軒冕過門者，寧讀如故，歆割席分坐，曰：子非吾友也。【麗娟袂】（洞冥記）武帝所幸宮人名麗娟，

年十四，玉膚柔軟，吹氣勝蘭，不欲衣覆，拂之，恐體痕也。每歌，李延年和之，于芝生殿唱道風之曲，庭中花皆翻落，帝置扇于明離之帳，恐

塵垢汗其體也。【玉帶紅淚】（拾遺記）文帝美人薛靈芸，臨別父母，淚下沾衣，至升車就路，時以玉唾壺承淚，壺則紅色，既發常山，

及至京師，淚中淚凝如血。【女媧腸】（山海經）有國名曰淑士，顓頊之子，有神十人，名曰女媧之腸，化爲神，處栗廣之野，橫道而處。

【金陵】今江蘇江寧縣，戰國楚置金陵邑。【秋娘謝】（樂府雜錄）望江南曲，始自朱崖李太尉鎮浙西日，爲姬謝秋娘所製，又

（杜牧杜秋娘詩序）杜秋，金陵女也，年十五，爲李錡妾，後錡叛滅，籍之入宮。【鶴市】今江蘇吳縣有鶴舞橋。（吳越春秋）閭閻薛女，

舞白鶴於市中，令流民隨而觀之，還使男女俱入漢門，因發機以擒之。【一妹張】（北齊書）張氏立梳妝前，堵方刷馬，忽有一人

取枕欹臥，看張氏梳頭，張氏熟觀其面，急梳畢，急扶前問其姓，臥者曰：姓張，對曰：妾亦姓張，合是妹，遂拜之。問第幾，曰：第三。問妹第幾，曰：

最長。遂喜曰：今日多幸遇一妹，張氏遙呼曰：李郎且來拜三兄。【鸚鵡賣酒】（西京雜記）司馬相如初與卓文君還成都，居貧愁，應

以所著鸚鵡裘，就市人陽昌買酒。【肉陣屏風】（天寶遺事）楊國忠冬月設酒，令妓女圍之，名肉屏風，亦曰肉陣。【燭圍】（開

元遺事〕楊國忠子弟，上元夜各有千炬燭圍。【封家】〔合璧事類〕封家姚，乃風神也，出〔博異記〕。【雲舟】〔洞冥記〕風泉池在玉柱宮北，中有追雲舟。【張星】〔二十八宿之一〕〔徐陵詩〕張星舊在天河上，由來歷姓本連天。【鴛鴦樓】〔謝希孟〕陸象山門人也，少豪俊，與妓陸氏狎，爲妓造鴛鴦樓。〔見詞苑叢談〕。【耆卿柳】柳永，字耆卿，宋崇安人。景祐進士，官至屯田員外郎。爲舉子時，多造狹斜，善爲歌詞，教坊樂工每得新腔，必求永爲詞，始行於世。【樂遊原】在陝西長安縣南，漢宣帝立廟于曲江池之北，號樂遊，世因稱其地爲樂遊原。【少游】秦觀，字少游，宋高郵人。少豪簡慷慨，溢於文詞。登第爲定海主簿，元祐初除太學博士，累遷國史院編修官，尋坐黨籍削秩，編管橫州，徽宗立，復宣德郎，放還至藤州卒。長沙女事未詳。【翻風】〔王嘉拾遺記〕石季倫所愛婢，名翻風，純末，於胡中買得之。石氏侍人美黠者數千人，翻風最以文辭擅愛，石崇嘗語之曰：吾百年之後，當指白日以汝爲殉。答曰：生愛死離，不如無愛，妾得爲殉，身其何朽。於是彌見寵愛。及翻風年三十，於年者爭嫉之，競相排毀，崇即退翻風爲房老，使主羣少。【楓橋】在吳縣閶門外西九里。【桐橋】未詳。【元墓】山名，一名郭尉，在吳縣西南七十里，山多樹梅，花時一望如雪，行數十里，香風不絕。【迹刻潘吾】〔韓非子〕趙主父使匠人施鉤梯，刻巨人跡于潘吾，勸其上曰：主父常遊于此。案潘吾亦作吾吾，又卽蒲吾。〔後漢書郡國志〕常山郡有蒲吾縣。【白馬換春娘】〔獨異志〕魏曹彰性何儒，偶逢駿馬愛之，其主所惜也，彰曰：予有愛妾可換，惟君所選，馬主因指一妓，彰遂換之，號曰白鶴。【迷陽】〔莊子〕迷陽迷陽，無傷吾行。〔王先謙集解〕迷陽，棘刺名，生於山野，踐之傷足，今楚語猶然。【平頭老奴】平頭，巾名。〔梁武帝詩〕平頭奴子繫履箱。【綢繆】猶繆繆也。【守宮砂】〔博物志〕蜥蜴或名蜃蜃，以器養之，食以朱砂，體盡赤，所食滿七斤，治搏萬杵，點女人支體，終年不滅，惟房室事，則滅，故號守宮。〔李商隱詩〕巴陵夜市紅守宮，使

房點臂斑斑紅

松門望海觀都督李長庚將軍水師大戰

松門，島名，在浙江溫嶺縣東南五十里海中。李

長庚，字超人，號西巖，同安人。乾隆三十六年武進士，累遷澎湖副將，浙江定海鎮總兵，數擊海盜有功，總統閩、浙水師。嘉慶五

年六月，夷艦大至，逼臺州、松門，長庚率師迎剿，忽颶風起，雷雨大作，賊艦覆溺幾盡，其登岸者悉就俘，獲安南倫貴利等四總

兵，獲之，徑浙江水師提督。後以剿海盜蔡牽，中砲死於潮州之黑水洋，追封三等壯烈伯，諡忠毅。

鼉梁不架風不驕，紅雲浴日頹雲消。海船入口海魚賤，沙頭一市人如潮。

忽傳黃牛白鴨七十二礁

讀若焦

煙燄起，火星飛入鞋山坳，不知是人是馬是海市？

知是岳家將軍大舉追楊么，艚艫舳舻看

稍音

不出，但見烏鴉一陣急繕而招搖；

復有長蛇一字島底出，三周華不注，兩道來相鑒；蟻旋鸛舞一天熱，不知何船

敷音

用火何船燒？驟然青天化赤壁，漸見兩軍四散獵獵飄長稍。

翹音

南風漸緊舟漸大，頓然松門以內疊疊堆銀濤。將軍樓船高於屋，

唳音

喇叭

八槳如飛刀。同時官船島船一百一十有二隻，一一如旋條。中有一船如大域外

七奇圖所記，高帆六七道，快馬騰風跑。吁切音沒囉聲近潮聲遙，胡牀一手紅旗招，

各以鈎車聲激音互撐挽牢，舟中之指血可熬，舟中之血槽可漂，流星火矢鴉焚巢，

長兵躍百所音高者超，短兵裸鬪刀者跳，瓜稜小礮雲中驍，沸音旋風高懸當者號，郎

機一震兜底拋，環槍一千煙火高，小船鑿騰音碎飄如瓢，大船肉糜撞其腰，桅高斗

大摧折標，連環肱窄音猛猛音留其艚。惟有中軍一船麾如燧象燒不熱，虺音彌大櫓

犀皮包，虬髯大杖三鼓鑿，威音高樓獨轟紅帕綃，銀刀粉面靴者嬌，三百黑雲飛

鳴髑。虛交切將軍大怒呼叱譙，不衫不甲聲虎號，虎么切蛇矛丈八親手挑，稷門投蓋

身蹴同飄，蘇音弧不拔飛過艘，搏人一個投雲霄，老拳毒手親打交，張侯貫肘膚

不撓，林雍鑿弊音足走且趨，欺腰切中眉中頰惟所遭。忽然由于肩中稍，朔音束胸一傷

呼乃暑，晉袍自注是日將軍徒手親搏，凡中肘、足、眉、頰、肩、乳六傷，而肩、乳兩傷尤重。俎壺一擲三不饒，（自注）將

軍負傷過舟，忽船中出杯盤盞碗，於是面受磁傷。迴身據轉琴聲調，鼓音不絕公伏弔，與鞘通餘皇三呼

敵者逃。

將軍乃命柁樓戰士鳴鉦，（自注）是日將軍猶整軍而退。將軍大旗風蕭蕭，瘡兵

六十宵噉噉，移舟寄泊蛟門蛟。（自注）寄泊蛟門，不通軍問者數日，着兵六十盡死。將軍之船朽且膠，

幕府不聞公斗刁，一書參斬高敖曹；同時大府親犒郊，呼醫血脫將軍袍，捷書夜

上將軍勞。明日將軍重出哨，力追三日得一劬，（音）十門大礮千金硝，島船一散無

鳥毛。

將軍之詩我所鈔，將軍之書我所毫。（自注）將軍題楊善齋太守種竹圖詩，措意精深，清新駿拔，書如米

芾，而姿媚過之。將軍之身十年一百戰，將軍之勇軍中鵬，將軍之忠食先茅！

【鼐梁】（文選俱賦）方梁鼐鼐以爲梁。（注）紀年曰：周穆王三十七年，大起九師，東至于九江，此鼐鼐以爲梁，遂伐越，至于紆。

【海市】（三齊紀略）海上蜃氣，時結樓臺，名海市。案此現象係因空氣有厚薄，光線反射而成。【岳家將軍】岳飛也，宋紹興五

年六月，飛大破楊么于洞庭。案么史作太。【華不注】一名歷錚山，在今山東歷城縣東北十五里。（左傳成二年）三周華不注。

【獵獵】風聲。（鮑照詩）獵獵晚風遒。【長旂】旂，旌旗之旂也。（漢書揚雄傳）建光耀之長旂。【叭喇】犀也，與潑刺同，本作跋

刺。【七奇圖】南懷仁著七奇圖說，皆世界之大奇工也。一爲亞洲之巴比倫城，二爲羅得島之銅人像，三爲非洲埃及都城之大

金字塔，四爲亞洲嘉略省茅索祿王坐蓋，五爲亞洲以弗所之月神祠，六爲歐洲亞嘉亞省木星神像，七爲埃及法羅島高臺。【吟

音注王仲瞿詩

一四

囉【軍器】（紀效新書）凡吹唢囉，是要衆兵起身。

【胡牀】（清異錄）胡牀，施轉關以交足，穿綆緣以容坐，轉縮須臾，重不數斤。

【擊互】擊，軍器相擊也。（周禮野廬氏）凡道路之舟車，擊互者，鼓而行之。

【舟中之指】（左傳宣十二年）中軍下軍爭舟，舟中之指可掬也。

【櫓可漂】櫓，大盾也，或信杵爲之（書）血流漂杵。

【躍百】（左傳僖二十八年）距躍三百，曲踊三百。注謂每跳皆勉力爲之。

【驍】投壺既中，箭自壺躍出曰驍。此借用。

【旋風】（風也）（王安石詩）掃敵如旋風。

【郎機】佛朗機，砲名，明人得自葡萄牙人爲佛郎機，後因並其所售之槍，亦蒙以此名。

【詐艫】小舟。

【鼉象】（爾雅）鼉，古者軍旅有象，楚昭王奔隨，使子期執鼉象以奔吳師。鼉象者，繫鼉於象尾，視敵所嚮而縱之，象迫於火，肆其力奔突，以犯吳師。

【虺彌大櫓】（左傳襄十年）晉伐偃師，狄徒彌建大車之輪，而蒙之以甲，以爲櫓，左執之，右拔戟以成一隊。孟獻子曰：詩所謂有力如虎者也。

【鑿】守夜鼓。（周禮註人）軍旅夜鼓鑿。

【森】軍中大旗。

【鵠】鳴鵠也，通作噓。

【虺矛丈八】（晉書劉曜載記）陳安左手奮七尺大刀，右手執丈八蛇矛。

【稷門投蓋】（左傳莊三十二年）犇有力焉，投蓋于稷門。（注）稷門，魯南城門。

【貉弧】旗名。（左傳襄十一年）取鄭伯之旌，發弧以先登。

【張侯】（蜀漢張飛也，封西鄉侯）

【膚不撓】（孟子）北宮黝之養勇也，不膚撓，不目逃。

【林雍】魯人。（左昭二十六年）苑子荆林雍，斷其足，鑿而乘於他車以歸，鑿一足行貌。

【趨】舉足也。

【稍】長矛。

【魯】大呼自號也。見（說文）。

【鼓音不絕】（左傳成二年）卻克傷於矢，流血及屢，未絕鼓音。

【伏殺】殺，弓衣也。（左傳成十六年）楚共王召棠由基，使射呂錡，中項，伏殺。

【組壺一擲】（左傳襄二十八年）盧蒲癸自後刺子之，王何以戈擊之，解其左臂，猶援廟構動於臺，以組壺投殺人而後死。

【餘皇】（左傳昭十七年）吳伐楚，戰于長岸，大敗吳師，獲其乘舟餘皇。吳公子光請於其衆曰：喪

先王之乘舟，豈唯光之罪？案亦有焉，請藉取之以救死。案許之，使長慮者三人潛伏於舟側，曰：我呼餘皇，則對。師夜從之，三呼，皆逃。楚人從而殺之，楚國亂，吳人大敗之，取餘皇以歸。
【蕭蕭】（詩）風雨蕭蕭。【嗷嗷】衆口愁也。（詩）哀鳴嗷嗷。【蛟門】山名，在浙江鎮海縣東海中，去岸約十五里，環鎮海口，吐納潮沙，出此即大洋，古稱蛟門虎蹲，天設之險也。
【高敖曹】名昂，北齊將人，少好馳騎，與長兄乾數爲劫略。魏莊帝時，除直閣將軍，後廢帝立，進大部督，從高歡大破爾朱兆於肆陵，加侍中開府，爵武城縣侯。及乾被殺，乃將十餘騎奔晉陽就歡。元象初，攻獨孤如顯於金墉城，宇文泰率衆救之，昂遂爲西軍所害。
【大府】謂阮元也。時官浙江巡撫。【食先茅】（左傳）僖三十三年，反自冀，襄公以三命命先且居將中軍，以再命命先茅之縣賞胥臣，曰：舉卻缺，子之功也。

善才生二十五月矣，計識得一百五十餘字，示以詩云（龔自珍王仲瞿幕

表銘）子，善才。

阿爺四歲識千字，一一形書曉其義；兒今三歲字二百，他日爲文定奇特。人間識字天上瞞，赤發阿爺自誤還誤兒，兒莫學阿爺知書娘道好，至今餓死無人保。夷齊廟裏要香煙，誰捧藜羹到門禱？阿爺配食兩廡去，賴爾門庭來洒掃。秦王燒書黑如炭，豫讓吞之不當飯，魚鹽作相盜作將，天下功名在屠販。兒不聞倉頡

作字鬼神哭？從此文人食無粟！又不聞軒轅黃帝不用一字丁風后力牧爲公卿。

【阿爺】父也。（宋陶詩）阿爺無大兒。【夷齊廟】伯夷、叔齊、孤竹君之二子。武王東伐，封伯夷、叔齊叩馬而諫。武王已平殷亂，天下

宗周，而伯夷、叔齊恥之，義不食周粟，遂餓死於首陽山。（史記正義）戴延之西征記云：洛陽東北首陽山，有夷齊祠，今在偃師縣西北。

【配食兩廡】謂從祀於孔子廟也。廟祠正殿外之東西兩廊曰兩廡。孔子廟從祀諸賢，除十哲外，皆列於此，凡一百五十四人。【秦

王燒書】（史記秦始皇本紀）三十四年，丞相李斯曰：臣請史官，非秦紀皆燒之，非博士官所職，天下敢有藏詩書百家語者，悉詣守

尉雜燒之。所不去者，醫藥卜筮種樹之書。制曰可。【豫讓】（史記刺客列傳）豫讓者，晉人也，事智伯，智伯甚尊寵之。及智伯伐趙襄

子，趙襄子與韓、魏合謀滅智伯，漆其頭以爲飲器。豫讓遁逃山中，曰：我必爲報讎而死，以報智伯。居頃之，豫讓漆身爲炭，吞炭爲啞，使形

狀不可知，行乞於市，其妻不識也。【魚鹽作相】（孟子）膠鬲舉於魚鹽之中。（呂氏春秋）膠鬲遭殷末之亂，聚販魚鹽，文王舉之

於股。【盜作將】如吳將甘寧，本爲錦帆賊等。（禮雜記）管仲遇盜，取二人焉，上以爲公臣。【倉頡】（說文序）黃帝之史倉頡，

見鳥獸蹄迹之跡，知分理之可以別異也，初造書契。【鬼神哭】（淮南子）倉頡作字而天雨粟，鬼夜哭。【軒轅黃帝】（史記

五帝本紀）黃帝者少典之子，姓公孫，名曰軒轅。【一字丁】（唐書張弘靖傳）汝輩挽兩石弓，不知識一丁字。【風后力牧】（五帝本紀）舉風后、力牧，常先大鴻以治民。（集解）鄭玄曰：風后、黃帝三公也。班固曰：力牧、黃帝相也。

五律

晉征虜將軍東亭侯廟在虎山之東俗所稱短簿祠也薨廡雄暢

登內殿五十三級爲夫人之宮余以雲孫禮致禱於吾祖之靈

假館內寢獻詩一首

王珣字元琳晉臨沂人舉孫弱冠與陳郡謝玄爲桓溫掾俱爲溫所敬重轉主簿從

討袁粲封東亭侯累遷侍中孝武深依之轉輔國將軍吳國內史在郡爲士庶所悅徵爲尚書僕射領吏部加征虜將軍終散

騎常侍卒謚獻穆虎山卽虎丘也在江蘇吳縣閶門外虎丘山志東山廟在虎丘山門內東嶺山祀晉司徒王珣名短簿祠

(爾雅)仍孫之子爲雲孫(注)雲言輕遠如浮雲也

老祖烏衣巷雲孫馬鬣寒青氍毹佳子弟團扇晉衣冠借宅吾宗古司香內寢
安淮流如不絕畱我一人看

【烏衣巷】在江蘇江寧縣東南世說王導曰庾元規若來吾角巾還烏衣(輿地紀勝)在秦淮南去朱諸橋不遠(建康志)今城南

長干寺北有小巷曰烏衣【馬鬣】巷名在江寧縣北(南史王志傳)家居建康禁中里馬鬣巷父僧虔門風寬恕志尤醇厚兄弟子

姪皆篤實謙和時人號馬鬣諸王爲長者【青氍毹】(世說)王子敬夜齋中臥有羣偷入其室盜物都盡王徐曰偷兒青氍毹我家舊物

可特置之【借宅】(南史王瑱傳)瑱字奉先遷何宋臨淮公主拜駙馬都尉累遷東陽吳興太守齊明帝時爲太子詹事中領軍尙

齊舍徐孝嗣誅，登顯赫朝政，啓取孝嗣所居宅，建康平，登乃以宅還徐氏。
【淮流】（南史列傳第十四）論曰：昔晉初庾亮，王導卜其家世。郭璞云：淮流竭，王氏滅。及于陳亡之年，淮流實竭，蓋時人物掃地盡矣。

鐵雲先生烏戌書來先日與桐門舅氏看花山塘連舟話別書來

述及敬報一郵

鐵雲先生，姓舒，名位，字立人，大興人。乾隆舉人，工詩，有瓶冰齋集。烏戌，今名烏鎮，在浙江吳興縣東南九十里，與桐鄉縣屬之書墩鎮止隔一水。山塘，虎丘山塘也。

櫓

音音

酒三瓶夜，燈花夢未消。人歸鶯脰切脰水，秋老畫眉橋。烏戌仙人宅，姨

家佛母橋。得歸無長物，詩卷笑牛腰。

【櫓酒三瓶】櫓，木名，汁甘，可爲酒。（皮日休詩）明朝有物充君信，櫓酒三瓶寄夜航。

【燈花】（西京雜記）陸賈曰：目明得酒食，

燈火花得錢財，乾鸛噪則行人至，蜘蛛集則百事喜。故目鸛則咒之，火華則拜之，乾鸛噪則饒之，蜘蛛集則放之。

【鶯脰水】鶯脰，湖

在江蘇吳江縣西南，其源自天目東流至荻塘，合滙溪，水併出平望，匯於此。其形似鶯脰，故名。

【畫眉橋】未詳。

【長物】餘物也。

（世說）王恭平生無長物。【牛腰】（老學庵筆記）潘郊老贈賀方回詩云：詩來牛腰藏舊稿，書託馬尾辨新鐫。

似舅何無忌，呼童許散愁。（自注）於舅氏處攜一童去，余之舊小奴也。好花雙老眼，明月一船

頭。白水盟狐偃，青山戀虎邱。無家親串慣音，在小別亦勾留。

【何無忌】（晉書）何無忌，劉牢之之甥，酷似其舅。

【許散愁】（杜甫詩）却爲嫗姪過逢地，許坐屠軒散散愁。

【白水句】（狐

偃，晉文公舅，字子犯。（左傳僖二十四年）及河，子犯以璧授公子，曰：「臣負羈縻，從君巡於天下，臣之罪甚多矣。臣猶知之，而況君乎？請

由此亡。」公子曰：「所不與舅氏同心者，有如白水。」投其璧于河。【青山句】（錢泳煙霞萬古樓集序）嘗謂余曰：吾死後，必葬我

於虎邱短簿祠側，乞題一碣曰：晉故散騎常侍東亭侯五十三世孫王羲之墓，其好奇如此。

【親串】（謝惠連詩）聊用布親串。

【勾留】（白居易詩）未能拋得杭州去，一半勾留是此湖。

一卷元和體，金天鳳字工。買書經島國，獻鳥達空籠。

（自注）承寄詩函，并所書詩片，字畫

精絕，爲銅商公肆中遺留，僅以封筒下寄，故有獻鳥空籠之喻。此稟矜三絕，無文祭五窮。南華橋下水，相見

一郵筒。

【元和體】（唐書元稹傳）稹尤長於詩，與白居易名相埒，天下傳誦，號元和體。【金天鳳字】未詳。【獻鳥句】（史記）齊使

淳于髡獻鴿于楚，髡其鴿，揭空籠見王曰：臣不忍鴿之渴，出而飲之，俄飛，欲買而代之，是不信而代吾王也。楚王曰：齊有信臣若此，倍鴿

在也，厚賜之。【三絕】（南史梁元帝紀）帝工書畫，自圖宣尼像，爲之贊而書之，時人謂之三絕。【五窮】（四時寶鑑）高陽氏

子好衣弊食糜，正月晦巷死，世作糜粥衣，是日祝於巷，日除貧也。辟惡作送窮文，窮鬼之名有五，曰智窮、學窮、文窮、命窮、交窮。【南

五律

一九

【華橋】饒雲住南華橋，瓶水齋集有自鄉思橋移家南華橋詩。【郵筒】（貫休詩）尺書裁羅寄郵筒。

七律

奉和舒鐵雲姨丈見贈之作

戎鼓喧天一柱銅，（自注）南甌之役，同參軍幕，嚴事時，制府監司鑄鐵於貴陽之甲秀樓，仍鄂大將軍故事也。蠻鄉

兵幕瘴鄉風。書生汗馬髀

切

留肉，

（自注）初，巡撫潘公議以軍府辦事賓僚列請議敘，先生辭之，後亦奉部不

准，時論高之。妖女囊仙血尚紅。（自注）黃囊仙，妖女也，以巫蠱煽聚，搶歸本道營，先生與之秉燭，以美言甘之，故降者不叛。才

子文章山鬼泣，

（自注）讀黃岩文檄，苗人識字者讀之，皆哭拜解散。婦人茶火大王雄。

（自注）初達南甌，妖巫黃

氏旗鼓最盛，時徵調雲南土練，中有龍土官之妹龍么妹者，年十八，美麗善戰，冒其兄品服，牙箱所及，渠一露土，黃氏所部，遂不能軍。義仙者，

蠻語謂姑娘也。

中年空橐從軍筆，不乞平夷一字功。

【汗馬】（史記晉世家）文公曰：夫尋我以仁義，防我以德惠，此受上賞。輔我以行，卒以成立，此受次賞。矢石之難，汗馬之勞，此復受次

賞。【髀留肉】（蜀志）劉備曰：吾常身不離鞍，髀肉皆消，今不復騎，髀裏肉生。【山鬼】（史記秦始皇本紀）山鬼不過知一歲事。

又（楚辭九歌）有山鬼篇。【茶火】茶，茅膏之屬，開白花者。詩：有女如茶。又茶，火，言軍容之盛也。【大王雄】（宋玉風賦）此

大王之雄風也。

【中年二句】（漢書）持籌簪筆。注：簪，盛書，簪筆，插筆于首以紀事。按（石罽王舒鐵雲傳）既又從威勳公勸保征討西狝苗，磨盾鼻，草軍符，晝夜勞瘁，公深器之。狝苗平，威勳公移師入蜀，則捕白蓮教妖人，將逼位以行，辭曰：家有老母，倚閭望子久矣。今即以萬鍾之祿，易一日之養，非所願也。況此區區武功，得哉！遂歸。

些四 餘

些招魂不到家，

（自注）留黟三年，先時傳先生過朱仙鎮，楚賊齊王氏焚掠，掠其營屬之，爲其賊婢所害。

青衫白面又長沙。

（自注）戊申歸吳門，一月，又應楚藩通方伯樸撫湖南軍營書記之聘。余面誦東坡送喬施州詩，其怪河南

門下士，不應萬里向長沙之句。先生不然，曰：吾負米養母，不畏百里，豈畏萬里？青衫白面，見李東陽長沙竹枝詞。三閭血祭叢祠

宇，

（自注）故楚三閭大夫祠，土人頗爲屈公祠，別書額改正焉。并請於本藩司勳墨之。太傅承塵破廟花。賀老琵琶

怨場屋，（自注）曩時寓吳門，約以是冬同赴己未會試，既而杳然，遂俱不赴北上，曩亦遺事。

禰衡鸚鵡戀天涯。巴江

烽火瀟江月，愁夢湘娥十二鬟。

（自注）

【些些招魂】

楚辭有招魂篇，宋玉所作，句尾皆用些字爲語助。序曰：宋玉懷屈原厥命將落，作招魂，欲以聽其精神，延其年壽也。

【長沙】湖南縣名，唐爲長沙府治。

【三閭】屈原爲楚三閭大夫，離騷序曰：三閭之職，掌王族三姓日招、屈、景，原序其譜屬，率其賢

良以厲國士。【太傅】賈誼也。誼爲長沙王太傅。案長沙縣西北有屈賈祠，即賈太傅故宅也。【賀老琵琶】（開元遺事）賀懷

七律

一一一

音注王仲瞿詩

三三

智善琵琶，以石爲槽。（元稹連昌宮詞）賀老琵琶定場屋。【補衛鸚鵡】衛字正平，平原般人。（後漢書補衛傳）黃祖長子射，爲章

陵太守，尤善於衛。射時大會賓客，人有獻鸚鵡者，射舉卮於衛曰：願先生賦之，以娛嘉賓。衛攬筆而作，文無加點，辭采甚麗。【巴江】

源出四川南江縣北，南流經縣東，又南經巴中至達縣，合渠江以入嘉陵江。【瀟江】源出湖南寧遠縣南九疑山，北流經湘縣，至零

陵縣西北入湘江。【湘娥十二鬟】鬟，髮也。（黃庭堅望君山詩）瀟川風雨獨凭欄，箱結湘娥十二鬟。

金鐘山題李王廟并書夫人寢碑

也。案靖字藥師，京兆三原人。

安吉爲唐故鄣地，公平輔公祐音於此，故碑有平盜丹陽之語。今名李王

山，山中碑版林立，皆唐、宋人書。案公爲韓擒虎外甥，初見楊素，卽有拊牀

推坐之目。公爲庸人，亦當感恩知己，況英雄乎？是必無私其侍姬，爲申公

巫臣之爲者。小說欲以英雄推夫人，故重誣衛公矣。詩以辨之。故鄣故城，在安吉

縣西北十五里，秦置鄣郡。漢廢郡爲故鄣縣，屬丹陽郡。後漢分置安吉縣，仍屬丹陽郡。三國吳分屬吳興郡，隋廢。輔公祐，臨濟

人。隋季與鄉人杜伏威爲盜，伏威自號總管，以公祐爲長史。武德初，授淮南行臺，伏威忌公祐，陰解其柄，公祐遂與故人左游仙

等舉辟穀以自諱。會伏威入朝，留公祐居守，公祐遂舉事，號替宋，年號天明。（唐書李靖傳）輔公祐，據丹陽反，詔李恭爲帥，召靖

入朝受方略，副李恭東討。李世勣等七總督皆受節度。公所遣海惠亮以舟師三萬屯富寧，陳正通步騎二萬屯青林，自梁山進鏡以斷江道，榮却月城延袤十餘里爲犄角。靖率黃君漢等水陸皆進，苦戰，殺傷萬餘人，惠亮等亡去。靖將輕兵至丹陽，公所懼衆尙多，不能戰，乃出走，禽之，江南平。（張說《虬髯客傳》）隋煬帝幸江都，命司空楊素守西京。素驕貴，賓客上謁，未嘗不踞牀而見。一日，衛公李靖以布衣上謁，獻奇策，一被有殊色，執紅拂立於前，獨目公，公歸逆旅，其夜五更初，忽聞叩門而聲低者。公問誰，曰：妾楊家執拂妓也。公遽延入，曰：妾侍楊司空久，聞天下之人多矣，無如公者。蘇蠡非獨生，願託喬木，故來奔耳。問其姓，曰張，問其伯仲之次，曰最長。觀其肌膚儀狀，言詞語氣，真天人也。（左傳成二年）莊王欲納夏姬，申公巫臣曰：不可！子反欲取之，巫臣曰：是不祥人也。王以子連尹薳老，薳老死於郢，不獲其尸。巫臣使道焉，曰：歸吾聘女。巫臣聘諸鄒，鄒伯許之。及共王即位，將爲陽礪之役，使屈巫聘于齊，且告歸期。巫臣盡室以行，申叔跪曰：異哉！夫子有三軍之懼，而又有桑中之喜，宜將竊妻以逃者也。及鄒使介反幣，而以夏姬行。

金天華嶽一書通，首上江陵十策功。青海驕汗寒，巢穴盡，陰山亡。同主幕庭

空。韓擒宅相難爲舅，楊素胡牀推與公。能得青年有知己，良弓高鳥自英雄。

【金天華嶽】（唐明皇華嶽詩）四方皆石壁，五位配金天。

【江陵十策】（唐書李靖傳）蕭銑據江陵，詔靖安輯，進至峽州，阻統

吳不得前。帝謂暹，詔都督許紹斬靖，相爲誘而免，開州蠻再難則寇峽州，靖率兵八百破其屯，要險設伏，斬紹，俘禽五千，帝謂左右

曰使功不如使過，靖果然，因手救勞曰：「既往不咎，向事吾久已忘之。」靖遂陳圖統十策。
 【青海句】（李靖傳）突厥部衆離畔，帝方圖
 進取，以兵部尚書爲定襄道行軍總管，率勁騎三千，由馬邑趨惡陽嶺，頡利可汗大驚曰：「兵不傾國來，靖敢提孤軍至此。」於是帳部致恐，
 靖縱露者離其腹心，夜襲定襄破之，可汗脫身遁竄口。
 【陰山句】（李靖傳）頡利走保鐵山，遣使者謝罪，請舉國內附，以靖爲定襄
 道總管往迎之。靖謂副將軍公謹曰：「頡利使到，虜必自安，若萬騎齎二十日糧，自白道襲之，必得所欲。」督兵疾進，行遇候邏，皆俘以從，去其
 牙七里乃覺，部衆震潰，斬萬餘級，俘男女十萬，禽其子曇羅施，殺義成公主，頡利亡去，爲大同道行軍總管張寶相禽以獻，於是斥地自
 隴山北至大漠矣。
 【韓擒宅相】（韓擒虎，字子通，隋東垣人。唐人避諱改作擒。）（李靖傳）其舅韓擒虎，每與論兵，輒歎曰：「可與語孫
 吳者，非斯人尙誰哉？」（晉書魏舒傳）舒少孤，爲外家寧氏所養。寧氏起宅，相宅者云：「當出貴甥。」舒曰：「當爲外祖成此宅相。」案後因稱甥曰
 宅相。
 【楊素胡牀】（楊素，字處道，隋華陰人。）（李靖傳）左僕射楊素拊其牀謂曰：「卿終當坐此。」
 高鳥盡，良弓藏。（李衛公別傳）微時嘗射覆盆山中。

我讀虬髯傳不然，夫人墳冢象祁連。衛公謹畏如平日，越國房幃況晚年。侍
 史忍辭袁盎去，舍人肯負孟嘗賢！唐書兩種難憑信，況且虞初九百篇。

【夫人墳冢】（李靖傳）其妻卒，詔置制如衛霍故事，築冢象鐵山積石山以旌其功。（漢書衛青去病傳）去病薨，上悼之，發屬國
 玄甲軍陳自長安至茂陵，爲冢象祁連山，青何平陽主，與主合葬，起冢象廬山云。
 【越國】楊素封越國公。
 【侍史句】（史記袁盎傳）從史袁盎給侍見，盎知之，弗洩，遇之如故。人有告從史，官知爾與侍者通，乃亡盎。袁盎親自追之，遂以侍者賜之，復爲從史。

【舍人句】（史記孟嘗君傳）孟嘗君相齊，其舍人魏子爲孟嘗君收邑入，三反而不致一入。孟嘗君問之，對曰：「有賢者竊假與之，以故不致入。孟嘗君怒而退魏子。居數年，人或毀孟嘗君於齊湣王曰：『孟嘗君將爲亂，及田甲劫湣王，湣王意疑孟嘗君，孟嘗君乃奔。魏子所與乘賢者聞之，乃上書告孟嘗君不作亂，請以身爲盟，遂自到宮門，以明孟嘗君。』」

【唐書兩種】唐書有新舊兩種：舊唐書，後晉劉昫撰，新唐書，宋歐陽修等撰。

【虞初九百】虞初，漢河南人，武帝時以方士爲郎，（張衡兩京賦）小說九百，本自虞初。（注）初爲周說九百四十三篇。

平山堂同金棕亭羅兩峯兩先生作

平山堂在江蘇江都縣西北五里蜀岡。宋慶歷八年，郡守

歐陽修建，今堂後有歐陽文忠公祠。金棕亭，名兆燕，全椒人。乾隆進士，官國子監博士，有棕亭詩鈔。羅兩峯名聘，字遜夫，歙人。爲金農弟子。畫入高格，尤喜畫鬼，爲時所重。嘉慶中寓江都，以布衣終。

淮南雞犬竹西僧，占盡揚州此一層。百劫山河隋大業，一家文字宋廬陵。勿
勿絲竹空哀樂，久久樓臺幾廢興。笑問木蘭今長老，南朝香火有然燈。

【淮南雞犬】神仙傳：淮南王安好道，白日昇天，時藥廩庭中，雞犬隨啄之，皆得上昇，故雞鳴天上，犬吠雲中。

【竹西】（嘉靖雜志）竹西亭在府城北門外五里上方禪智寺側，杜牧題禪智寺詩云：「誰知竹西路，歌吹是揚州。」亭名蓋取此。

【揚州】江都縣

舊爲揚州府治。【隋大業】大業，隋煬帝年號。大業十二年，帝幸江都。【宋廬陵】廬陽，修，字永叔，宋廬陵人。【長老】（碑門規式）道高，臘長，呼爲須菩提，亦稱長老。【然燈】佛名，亦譯錠光。（五燈會元）世尊因地布髮掩泥，獻花於然燈，然燈見布髮處，遂約退衆，乃指地曰：此一方地，宜建一梵刹。

焦山夜泊

焦山在江蘇鎮江縣東九里大江中，與金山對峙，相距十里許，以後漢處士焦先隱此而名。

華嚴靈館壓嵯嵯，音嵯一片風煙接寂寥。大地星河圍永夜，中江鐙火見南朝。魚龍古寺三秋水，神鬼虛堂八月潮。獨上數層捫北極，滿天風露下銀霄。

【嵯嵯】高也，（漢書揚雄傳）泰山之高，不嵯嵯則不能浮薄雲而散歎蒸。【北極】北斗七星也。（論語注）北辰，北極，天之樞也。

漂母祠懷韓齊王作

漂母祠，在江蘇淮安縣望雲門外，韓齊王，韓信也。史記淮陰侯傳（韓信始爲布衣時，貧

不能治生，常從人寄食，人多厭之，信怒，絕去，釣於城下，諸母漂，有一母見信飢，飯信，信喜，謂漂母曰：吾必有以報母，母怒曰：大丈夫不能自食，吾哀王孫而進食，豈望報乎？信後爲楚王，都下邳，至國，召所從食漂母，賜千金。

王孫如此不忘情，漂母祠邊浪有聲。作帝何妨先楚漢，忌才畢竟是良平。恩

從一飯甘刀俎，義不三分合鼎烹。（自注）三分鼎足之說，始於西漢項王之約，東漢書述之書。賴有英雄

劉季在，肯教傳得蒯通名。

【作帝句】（淮陰侯傳）項王使蒯通說齊王信曰：足下何不反？漢與楚連和，三分天下王之。信曰：漢王解衣衣我，推食食我，言聽計用，倍之不祥。齊人蒯通說信曰：足下莫若三分天下，鼎足而居。信曰：漢王遇我甚厚，吾聞之，衣人之衣者，懷人之憂；食人之食者，死人之事。蒯通曰：大夫種范蠡，存亡越，霸句踐，立功成名而身死亡，野獸已盡而獵狗烹，竊爲足下危之。信猶豫不忍倍漢。【忌才句】

（淮陰侯傳）漢王之困固陵，用張良計，召齊王信，遂將兵會垓下。項羽已破，高祖襲秦王軍。漢五年正月，徙齊王信爲楚王。六年，人有上書告楚王信反，高帝以陳平計，發使告諸侯會陳，欲襲信，信弗知。

【鼎烹】（淮陰侯傳）信謁高祖於陳，上令武士縛信載後車。信曰：果若人言，被冤死，獵狗烹，高祖盡良弓藏，敵國破，謀臣亡，天下已定，我固當烹。上曰：人告公反，遂械繫信至雒陽，赦信罪，以爲淮陰侯。

【劉季】（史記高祖紀）姓劉氏，字季。【蒯通】（淮陰侯傳）呂后使武士縛信，斬之長樂鍾室。信方斬，曰：吾悔不聽蒯通之計，乃爲兒女子所詐。高祖見信死，問信死亦何言？呂后曰：信言恨不用蒯通計。高祖曰：是齊辯士也，乃詔齊捕蒯通，蒯通至，上曰：若教淮陰侯反乎？對曰：然，臣固教之。陛下不用臣之策，故令自夷於此。上怒曰：烹之。對曰：嗟乎！冤哉！信也。上曰：若教韓信反，何冤？對曰：陛下之狗吠，信非不仁，狗固吠非其主。當是時，臣唯獨知韓信，非知陛下也。帝曰：置之，乃釋通之罪。

【鼎烹】（淮陰侯傳）呂后使武士縛信，斬之長樂鍾室。信方斬，曰：吾悔不聽蒯通之計，乃爲兒女子所詐。高祖見信死，問信死亦何言？呂后曰：信言恨不用蒯通計。高祖曰：是齊辯士也，乃詔齊捕蒯通，蒯通至，上曰：若教淮陰侯反乎？對曰：然，臣固教之。陛下不用臣之策，故令自夷於此。上怒曰：烹之。對曰：嗟乎！冤哉！信也。上曰：若教韓信反，何冤？對曰：陛下之狗吠，信非不仁，狗固吠非其主。當是時，臣唯獨知韓信，非知陛下也。帝曰：置之，乃釋通之罪。

【鼎烹】（淮陰侯傳）呂后使武士縛信，斬之長樂鍾室。信方斬，曰：吾悔不聽蒯通之計，乃爲兒女子所詐。高祖見信死，問信死亦何言？呂后曰：信言恨不用蒯通計。高祖曰：是齊辯士也，乃詔齊捕蒯通，蒯通至，上曰：若教淮陰侯反乎？對曰：然，臣固教之。陛下不用臣之策，故令自夷於此。上怒曰：烹之。對曰：嗟乎！冤哉！信也。上曰：若教韓信反，何冤？對曰：陛下之狗吠，信非不仁，狗固吠非其主。當是時，臣唯獨知韓信，非知陛下也。帝曰：置之，乃釋通之罪。

【鼎烹】（淮陰侯傳）呂后使武士縛信，斬之長樂鍾室。信方斬，曰：吾悔不聽蒯通之計，乃爲兒女子所詐。高祖見信死，問信死亦何言？呂后曰：信言恨不用蒯通計。高祖曰：是齊辯士也，乃詔齊捕蒯通，蒯通至，上曰：若教淮陰侯反乎？對曰：然，臣固教之。陛下不用臣之策，故令自夷於此。上怒曰：烹之。對曰：嗟乎！冤哉！信也。上曰：若教韓信反，何冤？對曰：陛下之狗吠，信非不仁，狗固吠非其主。當是時，臣唯獨知韓信，非知陛下也。帝曰：置之，乃釋通之罪。

銅雀臺故址 在今河南臨漳縣西南。（魏志）建安十五年冬，太祖乃于鄴作銅雀臺。

如許疑墳冢家煙，殘磚猶字建安年。荒臺鼎足三堆在，亂世奸雄一瓦全。七子賓僚名士誤，二喬夫婿婦人憐。曹公石墨姜香閣，焚卻君苗不忍研。

【疑墳】魏群傳：曹操築冢七十二，在漳河上。

【建安】漢獻帝年號。

【荒臺句】鄴中記：鄴城西北立臺，昔因城爲基址，中

央名銅雀臺，北則冰井臺，西曰金虎臺。

【亂世句】世說注：孫盛雜語曰：太祖嘗問許子將，我何如人，固問，然後子將答曰：治世

之雄臣，亂世之英雄。太祖大笑。（北齊書）元景安傳：大丈夫寧可玉碎，不能瓦全。案銅雀臺五以之作硯，甚工，相傳貯水不燥，世稱銅雀

瓦硯，頗寶貴之。【下子賓僚】建安中，孔融、陳琳、王粲、徐幹、阮瑀、應瑒、劉楨，同時文學齊名，號建安七子。【二喬夫婿】吳志

周瑜傳：孫策欲取荊州，以瑜爲中護軍，從攻皖，時得橋公二女，皆國色也。策自納大橋，瑜納小橋。（杜牧詩）東風不與周郎便，銅雀春

深鎖二喬。【曹公石墨】陸雲與兄書：一日上三哀，曹公藏石墨數十萬片。【姜香閣】宋詳。【焚卻君苗】因學紀

聞：陸機傳云：弟雲嘗與書曰：君苗見兄文，輒欲焚其筆硯。君苗未知氏姓，考之雲集，有與平原書云：前作澄衷賦未能成，而崔君苗作

之，始知其爲崔君苗也。

唐河西節度王忠嗣墓

忠嗣，華州郿人，初名訓，墓在陝西渭南縣東南二十里廣鄉原北官路南。

倘不偏聽林甫讒，以公持重住潼關。喪師未必徵舒翰，反狀真能殺祿山。出

處但爲平世將，功名早在古人間。標音姚賤死祁連在血戰荒阡草尚殷。衣獵

【林甫讒】唐書王忠嗣傳：李林甫尤忌其功，日鉤連過咎，陰使人誣告忠嗣，嘗奏宮中，云：「吾欲奉太子，帝怒，召入，付三司訊，罪應死。」哥舒翰方有寵，自上請以官爵贖忠嗣罪，帝意解，貶漢陽太守，久之，徙漢東郡卒。

西薄華山，南臨商嶺，北距黃河，東接桃林，爲要害之地。【喪師句】唐書本傳：帝方事石堡城，詔問攻取計，忠嗣奏言：「吐蕃舉國守之，若頓兵堅城下，費士數萬，然後可圖，恐所得不贖所失，諸虜兵馬待釐取之，帝意不快。後哥舒翰引兵攻石堡，拔之，死亡略盡，如忠嗣言，故當世號爲名將。」

【反狀句】本傳：安祿山城雄武，扼飛狐塞，謀亂，請忠嗣助役，因欲留其兵。忠嗣先期至，不見祿山而還，致上言祿山且亂，林甫益惡之。【平世將】本傳：忠嗣本負勇敢，及爲將，乃能持重，安邊不生事。嘗曰：「平世爲將，撫衆而已，吾不欲竭中國力以幸功名。」

【古人】本傳：董延光，諸下石堡，詔忠嗣分兵應接，忠嗣不得已，爲出軍，而士無賞格，延光不悅，河西兵馬使李光弼入說曰：「大夫愛惜士卒，有拒延光心，雖名受詔，實奪其謀，然大夫已付萬衆，而不立重賞，何以賈士勇？且大夫惜數萬段賜，以啓讒口，有如不捷，歸罪大夫，大夫先受禍矣。」忠嗣曰：「吾固奪得一城，不足制敵，失之未害於國，吾忍以數萬人命易一官哉？」明日見責，不失一金。羽林將軍席宿衛，不者，中上佐耳。光弼謝曰：「大夫乃行古人事，光弼又何言？」趨而出。

【姚姚】亦作票姚。漢書霍去病傳：「爲票姚校尉，杜市詩：『借問大將誰，恐是霍票姚。』」

【祁連】山名，在甘肅張掖縣西南。霍去病傳：「去病薨，爲冢象祁連山。」

【殷】赤黑色也。

漢武帝茂陵

漢武帝名徹，景帝子，葬茂陵，在今陝西興平縣東北十七里。

祖龍而後事驅除，千古雄才斷不如，一統早收南越地，六經始重聖人書。求言帝度容方朔，問道儒官用仲舒。五十四年文治日，天山犁得幕庭墟。

【祖龍】【史記秦始皇記】三十六年秋，使者從關東夜過華陰平舒道，有人持璧遮使者曰：『爲吾遺涓池君。』因言曰：『今年祖龍死。』使者問其故，因忽不見。【集解】蘇林曰：『祖，始也。龍，人君謂象始皇也。』【雄才】【漢書武帝紀贊】如武帝之雄才大略，不改文景之恭儉。

【南越】國名，今廣東廣西地。【武帝紀】元鼎五年，夏四月，南越王相呂嘉反，殺漢使者及其王王太后。遣伏波將軍路博德等擊之，六年冬十月，遂定越地，以爲南海、蒼梧、鬱林、合浦、交趾、九真、日南、珠崖、儋耳郡。【六經】【易、詩、書、春秋、禮、樂也。【武帝紀贊】孝武初立，卓然絕羣，百家表章六經。

【方朔】【漢書東方朔傳】字曼倩，平原厭次人。武帝初即位，徵天下舉方正賢良文學材力之士，四方士多上書言得失，朔初來，上書，文辭不遜，高自稱譽，上偉之，令待詔公車。

【仲舒】【漢書董仲舒傳】廣川人，少治春秋，孝景時爲博士，下帷講誦，通退容止，非禮不行，學士皆師尊之。武帝即位，舉賢良文學之士，前後百數，而仲舒以賢良對策焉，對既畢，天子以仲舒爲江都相。

【五十四年】【漢書注】臣瓚曰：帝年十七即位，即位五十四年，壽七十一。【天山句】天山在新疆境內，橫分新疆爲南北二路。【漢書匈奴傳】武帝時，票騎將軍霍去病，出伐二千餘里，得胡首虜凡七萬餘人，是後匈奴遠遁，幕南無王庭，按犂耕也。【揚雄諫不受單于朝書】固已犯其庭，掃其閭，郡縣而置之。

不受單于朝書，固已犯其庭，掃其閭，郡縣而置之。

求賢初詔下金門，一勝賢良百十人。容得馬遷留謗史，能成蘇武做忠臣。張

湯峻法刑名好，汲黯狂言慙切竹錄。諫真明說賦才無用處，鄒陽枚馬任沈淪！

【金門】即金馬門，未央宮前門也，有銅馬，故名。漢武帝使學士待詔金門，備顧問。

【馬遷】司馬遷，字子長，夏陽人。生于龍門，父談爲太史公，遷繼父業。李陵降匈奴，遷極言陵忠，被腐刑，乃作史記。（後漢書蔡邕傳）昔武帝不殺司馬遷，使作謗書，流於後世。

【蘇武】字子卿，杜陵人。武帝時以中郎將，使匈奴，被留，居海上，啖雪吞旄，仗節牧羝，十九年得還。昭帝拜爲典屬國。

【張湯】杜陵人，武帝時拜大中大夫，治獄務深文刻鵠，後爲朱買臣等所陷，帝使趙禹責湯，湯遂自殺。

【汲黯】字長孺，濮陽人。武帝時爲東海太守，東海大治，召爲九卿，面折廷諍，帝驚懼之，嘗曰：古有社稷之臣，如黯近之矣。後出爲淮陽太守，淮陽政清，居淮陽十歲而卒。

【鄒直】也。【鄒陽枚馬】鄒陽，枚乘，司馬相如，並工詞賦，爲梁孝王賓客，武帝未之重也。

西域河沙古未開，犛牛微音毛候音毛接輪臺。掃空瀚海長城外，斷得匈奴右

臂來。和議終非中國計，窮兵纔是帝王才。守文弱主書生見，難與英雄靖九垓。該音

【西域】漢時總稱敦煌以西諸國曰西域。

【犛牛】亦作旄牛，其狀如牛，尾毛細長，今西藏有之。

【微候】微，邊塞之地，以木荷爲界，候，土堡也。

【輪臺】地名，即今新疆輪臺縣，漢時屯田於此。

【瀚海】沙漠也，亦作輪海，又稱戈壁，在內外蒙古之間，西接新

【匈奴右臂】匈奴，北狄之一族，秦漢時最盛，領有今內外蒙古之地。（史記大宛傳）張騫曰：今誠以厚幣賂烏孫，與漢結昆弟，則
是斷匈奴右臂也。【九垓】九城也。（抱朴子）元始治於九垓。

壺關一悔奈匆匆！思子歸來僅有宮。命將不曾封李廣。愛才畢竟誤江充。神
仙大藥無消息，方士招魂又鑿空。不有茂陵遺恨事，怎教人士哭秋風？

【壺關二句】壺關，地名，漢置縣，故城在今山西長治縣東。漢書戾太子傳：武帝末，江充用事，充與太子有隙，時上春秋高，意多所
惑，以爲左右皆爲壺道祝詛，窮治其事，充典治壺，遂至太子宮，掘蟲得桐木人，時上疾，避暑甘泉宮，太子因斬充部賓客，與丞相劉屈
產等戰，太子兵敗亡，上怒甚，壺關三老茂上書，奏天子感寤，太子之亡也，東至湖，自度不得脫，即自經。上既傷太子，乃作思子宮，爲歸
來望思之臺於湖，天下聞而悲之。【命將句】（漢書李廣傳）廣，隴西成紀人，武帝即位，入爲驍騎將軍，後拜右北平太守。廣與王翳謂
云：自漢擊匈奴，以軍功取侯者數十人，廣不爲後人，然終無尺寸功，以得封邑者，何也？【愛才句】（漢書江充傳）充字次倩，趙國邯
鄲人，爲人魁岸，容貌甚壯，帝見而異之，問以當世政事，上悅之。及太子敗，帝知充有詐，夷充三族。【神仙大藥】（漢武帝內傳）王
母曰：此子勤心已久，而不過良師，遂欲毀其正志，今日相見，令人念之。至於尸解下方，吾甚不惜，後三年，吾必欲賜以成丹半劑，石象散
一具與之。【方士招魂】（漢書外戚傳）李夫人卒，上思念不已，方士齊人少翁言能致其神，適夜張燈燭，設帳帷，陳酒肉，而令上
居他帳遙望，見好女如李夫人之貌，還縱坐而視，又不得就視，上意益相思悲感。【茂陵遺恨】（武帝內傳）帝自受法，出入六年，

晉書游暢高祖，自許爲神真見降，必當度世，待此不修至德，更興起靈館，勞繁萬民，坑降殺服，遠征夷敵，流血膏城。至元狩二年二月帝病，行繫屋西，懸五梓宮，丁卯帝崩，入殯未央宮前殿，三月葬茂陵。

絳帳村相傳爲馬季長傳經處

（後漢書馬融傳）融字季長，扶風茂陵人。才高博洽，爲世通儒，教授

諸生，常有千數。善鼓琴，好吹笛，達生任性，不拘儒者之節。常坐高堂，施絳紗帳，前授生徒，後列女樂，弟子以次相傳，鮮有入其

室者。按茂陵故城，在今陝西興平縣東北，縣西南三十里，有馬融墓，俗謠爲馬運塚，見（清一統志）。

苦無時命趙卿彬到此猶聞絳帳名。徒有將軍西第頌，並無絲竹後堂聲。

殘經易拜班昭讀，胡粉難爲李固情。前列生徒後女樂，不應謀殺鄭康成。

【趙卿】後漢書趙岐傳，岐字邠卿，京兆長陵人，初名嘉，生於御史臺，因字臺卿，後避難故，自改名字，示不忘本土也。岐少明經，有

才藝，娶扶風馬融兄女。融外戚豪家，岐常鄙之，不與融相見。仕州郡，以廉直疾惡見憚，年三十餘，有重疾，臥尋七年，自厭奄忽，乃爲遺令

勸兄子曰：大丈夫生世，邂逅箕山之操，仕無伊呂之勳，天不我與，復何言哉！可立一員石於吾墓前，刻之曰：漢有逸人，姓趙名嘉，有志無

時，命也奈何！【西第頌】（馬融傳）融遷於鄧氏，不敢復違作勢家，遂爲梁冀草奏李固，又作大將軍西第頌，以此頌爲正直所產。

【殘經句】（後漢書列女傳）扶風曹世叔妻者，同郡班彪之女，名昭，字惠班，一名姬。博學高才，兄固著漢書，其八表及天文志，未及竟

而卒，和帝詔昭就東觀藏書閣踵而成之。漢書初出，多未能通者，同郡馬融伏於閣下，從昭受讀，又詔融兄續繼昭成之。【胡粉句】
 （後漢書李固傳）固字子堅，漢中南鄭人。初順帝時，諸所除官，多不以次，及固在事，奏免百餘人，此等既怨，又希望冀旨，遂共作飛章，虛
 誣固罪，曰：太尉李固，因公假私，依正行邪，離間近戚，自隆支黨，大行在殯，路人掩涕，固獨胡粉飾貌，搔頭弄姿，曾無慘怛憐悴之心，山陵
 未成，遂矯舊政，善則移己，過則歸君，斥逐近臣，不得待送，作成作福，莫固之甚。固之過，事合誅辟。（又吳祐傳）及冀誣奏太尉李固，祐
 聞而請見，與冀爭之，不聽。時馬融在坐，爲冀草章，祐因謂融曰：李公之罪，成於卿手，李公即誅，卿何面目見天下之人乎？冀怒而起入室，
 祐亦徑去。【鄭康成】（後漢書鄭玄傳）玄字康成，北海高密人。因涿郡盧植，事扶風馬融。（世說）鄭玄在馬融門下，三年不得相見，
 高足弟子，傳授而已。嘗算渾天，不合，諸弟子莫能解，或言玄能者，融召令算，一轉便決，衆咸駭服。及玄業成辭歸，既而融有禮樂皆東之
 歎，恐玄扛名而心忌焉。玄亦疑有迫，乃坐橋下，在水上據屐，融果轉式逐之，告左右曰：玄在土下水上而據木，此必死矣，遂罷追。玄竟以
 得免。

嵎底懷漢大將軍馮異

嵎底，即嵎山，在河南洛寧縣北，西北接陝縣，東接澗池，自東至西三十五里。馮

異，字公孫，潁川父城人。建武三年，拜征西大將軍，大破赤眉於嵎底，降男女八萬人。

不傲河西五郡尊，我來嵎底笑公孫！苦無鄧訓淳沱運，微有蕭王粥飯

恩。河不奈何公且渡，樹猶如此我銷魂！可憐一騎回谿馬，踏破饒陽草舍門。

【河西五郡】謂漢中、北地、上郡、安定、天水也。

【鄧訓句】（後漢書鄧禹傳）訓字平叔，禹第六子也。永平中，理滹沱石臼河，從

都盧至羊腸倉，欲令通漕。太原吏人苦役，連年無成，轉運所經，三百八十九段，前後沒溺死者不可勝算。建初三年，拜訓謁者，使監領其

事。訓考量歷括，知大功難立，具以上言。肅宗從之，遂罷其役，更用驢犂，歲省費億萬計，全活徙士數千人。案滹沱河，源出山西繁峙縣東

之秦戲山，由代縣、蔚縣、定襄、五台、盂縣境，入河北，歷平山、正定、深澤、安平、饒陽、獻縣，合滏陽河，東北流爲子牙河，至天津，會北運河入海。

【肅王句】（後漢書光武帝紀）更始遣侍御史持節立光武爲肅王。（又馮異傳）光武自薊東南馳，晨夜草舍，至饒陽無萐亭，時天寒

烈，衆皆饑寒，異上豆粥，明且，光武謂諸將曰：昨得公孫豆粥，饑寒俱解。及至南宮，遇大風雨，光武引軍入道旁空舍，異復進麥飯菜屑，因

復度滹沱河至信都。六年春，異朝京師，帝使中黃門賜以珍寶衣服錢帛，詔曰：倉卒無萐亭豆粥，滹沱河麥飯，厚意久不報。【河不

句】（蔡邕引）公無渡河，公竟渡河！渡河而死，當奈公何！（光武帝紀）天時寒，面皆破裂，至滹沱河，無船，適遇冰合得過，未畢數車而陷。

【樹猶句】（晉書桓溫傳）溫北伐，行經金城，見少爲瑯琊時所種柳，皆十圍，慨然曰：木猶如此，人何以堪！因攀條泣然流涕。（馮異

傳）異爲人謙退不伐，每所止舍，諸將並坐論功，異獨屏樹下，軍中號曰大樹將軍。【回谿】在洛寧縣北。（馮異傳）三年春，遣使

者即拜禹爲征西大將軍。會鄧禹率軍騎將軍鄧弘等引兵，與異相遇，禹弘要異共擊赤眉，異曰：異與賊相拒，且數十日，雖屬獲雄將，餘

衆尙多，可稍以恩信傾誘，難卒用兵破也。禹弘不從，弘遂大驅移日，弘軍潰亂，異與禹合兵救之，赤眉小卻。異以士卒饑倦，可且休，禹不

能，復戰，大爲所敗，死傷者三千餘人。禹得脫，歸宜陽，異棄馬步走，上回谿阪，與麾下數十人歸營。【饒陽】縣名，今屬河北省。草舍，見

書洪穉存太史大江東去詞後

洪穉存，名亮吉，陽湖人。乾隆進士，授編修，督學貴州。嘉慶時，以上書

指斥，成伊輩，毒敵還，自號更生居士。有北江全集。大江東去詞調名，原名念奴嬌，又名百字令。

銅絃鐵撥到江東，胡粉粧花一塞翁。

塞翁

除死頭顱孤注擲，補天文字女媧窮。

身從魑魅

音

魅

音

荒山後，人與辛蘇辣味同。誰是關西閒大漢？爲君彈唱夜鐙紅。

【銅絃鐵撥】

蘇東坡問歌者，言詞比柳者如何？歌者曰：學士詞，須關西大漢抱銅琵琶，執鐵絳板，唱大江東去。見（吹劍續錄）。

【胡粉句】

明楊慎謫戍雲南，故作伴狂，胡粉粧花，昇遊於市。（淮南子）：塞上喪失馬，人皆弔之，叟曰：此何詎不爲福？數月，馬將胡駿馬而至，人皆賀之，曰：此何詎不爲福？家富馬良，其子好騎，墮而折臂，人皆弔之，父曰：此何詎不爲福？一年，胡夷大入，丁壯者戰死十九，子獨以被故，父子相保。

【孤注】

博者輸錢欲盡，乃傾所有出之，謂之孤注。（通鑑長編）：真宗澶淵之役，王欽若謗曰：寇準以陛下爲孤注。

注。

【女媧】

一號女希，上古之帝，伏羲同母女弟。（淮南子）：往古之時，四極廢，九州裂，天不兼覆，地不周載，於是女媧鍊五色石以補蒼天，斷鼃足以立四極。

【魑魅】

左傳昭九年：投諸四裔，以禦魑魅。

【辛蘇】

宋辛棄疾，蘇軾也，棄疾，字幼安，號稼軒居士，歷城人。軾字子瞻，號東坡居士，眉山人。二人俱尙氣節，雅善長短句，縱橫慷慨，時號辛蘇。

住穀城之明日，謹以斗酒牛膏琵琶三十二絃致祭于西楚霸王。

之墓。【戲城山，在今山東阿縣東北，漢王孫項羽於此。

江東餘子老王郎，來抱琵琶哭大王。如我文章遭鬼擊，嗟渠身首竟天亡！誰刪本紀翻遷史？誤讀兵書負項梁。留部瓠蘆漢書在，英雄成敗太淒涼！

【江東】烏江之東也。【史記項羽本紀】籍與江東子弟八千人渡江而西，今無一人還。【老王郎】藝自謂也。【如我句】左

都御史吳省欽，藝座師也。川楚匪起，藝能作掌心雷，落萬夫膽。吳既以言事駭去官，而藝從此不齒於士列。禮部試同考官楊某卷似

浙王某，必不謬，考官楊某卷似浙王某，必不中式，大挑雖二等不獲上，見（龔自珍王仲瞿墓表）（文集繼室金氏五雲墓誌銘注）予

八試，八中，八黜，每文入房，典校者皆知予名姓，及改名亦然，亦異事也。【天亡】（項羽本紀）項王自度不得脫，謂其騎曰：吾起兵至

今八歲矣，身七十餘戰，所當者破，所擊者服，未嘗敗北，遂霸有天下，然今卒困於此，此天之亡我，非戰之罪也。今日固決死，願為諸君決

戰，必三勝之，為諸君潰圍，斬將刈旗，令諸君知天亡我，非戰之罪也。【本紀句】司馬遷撰史記，為項羽作本紀，列第七，後班固著漢

書，改稱項籍列傳。（史記索隱）項羽假號西楚，未踐天子之位，不可稱本紀，宜降為世家。【兵書句】（項羽本紀）籍季父項梁，籍少

時，學書不成，去學劍，又不成，項梁怒之，籍曰：書足以記名姓而已，劍一人敵，不足學，學萬人敵。於是項梁乃教籍兵法。籍大喜，略知其意，

又不肯竟學。【瓠蘆漢書】（南史蕭琛傳）為宣城太守，時有北僧南度，惟齋一瓠蘆，中有漢書序傳，僧云三輔舊書，相傳以為班

固真本。

秦人天下楚人弓，枉把頭顱贈馬童。天意何曾袒劉季？大王失計戀江東。早摧函谷稱西帝，何必鴻門殺沛公！徒縱咸陽三月火，讓他婁敬說關中。

【秦人天下】（史記淮陰侯傳）秦失其鹿，天下共逐之。【楚人弓】（說苑）楚共王出獵，而遺其弓，左右請求之，共王曰：止！楚人

遺弓，楚人得之，又何求焉？【頭顱句】（項羽本紀）項王身被十餘創，顧見漢騎司馬呂馬童，曰：若非吾故人乎？吾聞漢購吾頭千金，

邑萬戶，吾爲若德，乃自刎而死。【戀江東】（項羽本紀）項羽引兵西屠咸陽，殺秦降王子嬰，燒秦宮室，收其貨寶婦女而東。人或

說項王曰：關中阻山河四塞，地肥饒，可都以霸。項王見秦宮室皆以燒殘破，又心懷思欲東歸，曰：富貴不歸故鄉，如衣赭夜行，誰知之者？

【函谷】關名，在今河南靈寶縣南。【西帝】（戰國策）秦爲西帝，趙爲中帝，燕爲北帝。【鴻門句】鴻門，見前。沛公見項王於鴻

門，項王留沛公與飲，范增數目項王，使殺沛公，項王不應。【咸陽句】咸陽，秦都，今陝西長安縣東渭城故城是。（三秦記）地在九峻

之南，渭水之北，山水皆陽，故曰咸陽。（項羽本紀）燒秦宮室，火三月不滅。【婁敬句】（史記劉敬傳）敬，齊人，漢五年，過洛陽，高帝在

焉，婁敬見曰：洛邑天下之中，有德則易以王，無德則易以亡。夫秦地被山帶河，四塞以爲固，此所謂天府者也。帝問羣臣，未能決，及留侯

明言入關便，即日車駕西都關中，賜姓劉氏，拜爲郎中，號奉春君。

黃土心香一朶音塵，英雄兒女我沾巾。生能白版爲天子，死賸烏江一美人。

壁裏沙蟲親子弟，烹來功狗舊君臣。戚姬脂粉虞姬血，一樣君恩不庇身。

【心香】（梁簡文帝文）留舒意蕊，寔度心香。

【白版天子】晉東渡無王，北人目爲白版天子。

【烏江】水名，今名烏江浦，

在安徽和縣東北。

【沙蟲】（抱朴子）周穆王南征，久而不歸，一軍皆化，君子爲猿鶴，小人爲沙蟲。

【功狗句】功狗，見前。言漢

之功臣韓信彭越等，皆去楚歸漢之人。

【戚姬】（史記呂后本紀）高祖爲漢王，得定陶戚姬，愛幸，生趙隱王如意。高祖崩，呂后最惡

戚夫人，乃令永巷囚戚夫人，斷手足，去眼，煇耳，飲瘡藥，使居廁中，命曰人彘。

【虞姬】（項羽本紀）有美人名虞，常幸從。（漢春秋）于

是美人和之曰：漢兵已略地，四面楚歌聲。大王意氣盡，賤妾何聊生！泣下，遂自刎。羽不勝傷之上馬潰圍出。

鶴市詩於虎邱之盈盈一水樓

鶴市，虎丘，並見前。

鶴市諸詩，爲已故繼妻會稽金氏秋紅作也。是樓也，一簾紅雨，當年觀競渡之人，四壁胡香，今日哭西施之地。龍船燈火，蕭觀音五日而生；（自注）前

內子稱香亦觀競渡於此，

閨閣文章，吳赤烏六年而盡。嗟乎！伯鸞避地，內外何來？老

萊逃名，婦夫何去？初吹吳市，誤攜羸女之簫；今日高柔，空築伏川之室。過

姜白石垂虹亭畔，啼殺小紅；登張伯雨散花樓頭，傷哉老子！嗚呼！孫子荆

今朝釋服，伉儷淒然；王摩詰從此寡居，頭顱如許。有天首過，王獻之之罪

綠章無地營齋，元微之之錢百萬。誰揮急淚？和我以梁王懺罪之經。嘯助
緩聲？哭汝以賈誼招魂之體。辭無條序，但抒感傷，言不一倫，略臚音今

昔。會稽縣名，舊屬浙江紹興府，今與山陰縣合併爲紹興縣，屬浙江省。金氏秋紅，名禮鳳，字雲門，亦字五雲。通文史，尤善畫

人物，嘉道間海內稱女士畫爲大宗。（李賀將進酒）況是青春日將暮，桃花亂落如紅雨。（劉因詩）夢覺不知春已去，半簾紅

雨落無聲。（荆楚歲時記）屈原以五月五日投汨羅，故武陵以此日作競渡以招之。唐人以三月三日爲招魂節。（唐書）寶

曆二年三月，幸魚藻宮，觀競渡。（梁簡文帝詩）胡香翼還隱，青旂送後塵。西施越諸暨，亭羅村西霽薪之女，有妾容。越王句

踐敗於會稽，范蠡取西施獻於吳王夫差。（遼史后妃傳）道宗宣懿皇后蕭氏，小字觀音，欽哀皇后弟樞密使惠之女，姿容冠

絕，工詩，善談論，自制歌詞，尤善琵琶。赤烏，吳大帝年號。（吳志）赤烏元年詔曰：問者赤烏集於殿前，朕所親見，若神靈以爲嘉

祥者，改年宜以赤烏爲元。（後漢書邊氏傳）梁鴻，字伯鸞，扶風平陵人，過京師，作五噫之歌，肅宗聞而非之，求鴻不得，乃易姓

名與妻子居齊魯之間，有頃，又去適吳，依大家舉伯通，居廡下，爲人賃舂。（列女傳）老萊子耕於蒙山之陽，楚王駕至其門，曰

守國之孤，願見先生！老萊曰：諾。妻曰：妾聞之，可食以酒肉者，可隨以鞭撻；可授以官祿者，可隨以斧鉞。今先生食人酒食，受人官

祿，爲人所制也。妾不能爲人所制，妾舍而去。老萊子乃隨之而隱。吳市，見前吳門簫注。（列仙傳）蕭史者，秦穆公時人也，善

吹簫，能致孔雀白鶴於庭。穆公有女，字弄玉，好之，公遂以女妻焉。日教弄玉作鳳鳴，居數年，吹似鳳聲，鳳皇來止其屋，公爲作鳳

妻，夫婦止其上，不下數年，一旦皆逐鳳皇飛去。案秦、鳳姓也。（書記洞陰注）晉有高柔，孫統敘其集曰：柔字世遠，樂安人。婚秦山胡母氏，姿色清惠，柔既罷安國令，營宅於伏川，愛玩賢妻，便有終焉之志。妻憂，字堯章，朱都陽人。寓居武陵，與白石洞天爲隣，因號白石道人，工詩詞，小紅其侍姬也。初范成大大請老，堯詣之，製暗香、疏影兩曲，成大使其青衣小紅肄習之，音節清婉，及變歸，成大即以小紅贈之。堯詩云：自孫新詞韻最嬌，小紅低唱我吹簫。即詠此事也。垂虹亭，在江蘇吳江縣長橋。張雨，一名天雨，字伯雨，元錢塘人。工書畫，善詩詞，與趙孟頫、楊載、虞集爲文字交。嘗居茅山，有茅山志，自號句曲外史。（文集繼室金氏五雲墓誌銘）殯於湖墅馬塍之散花樓下。孫楚，字子荆，晉中都人。（晉書孫楚傳）初，楚除婦服，作詩以示濟，濟曰：未知文生於情，情生於文，覽之凄然，增伉儷之重。案濟，王濟也。（唐書文藝傳）王維，字摩詰，九歲知屬辭，與弟縉齊名。喪妻不娶，孤居三十年。（晉書王羲之傳）獻之，字子敬，起家州主簿，祕書郎轉丞，以選尙新安公主，尋除建威將軍，吳興太守，徵拜中書令。遇疾，家人爲上章道家，法應首過，問其有何得失？對曰：不覺餘事，惟憶與鄒家離婚。獻之前妻，鄒曇女也，俄而卒於官。（陸游詩）綠章夜奏通明殿。元稹，字微之，唐河南人，舉制科，對策第一，拜左拾遺，除監察御史，終武昌節度使。其遺悲懷詩云：今日俸錢過十萬，與君營莫復營齋。佛教禮禱之經，有名梁王懺者，相傳梁武帝因懺悔鄒后往業而作。（史記賈誼傳）及渡湘水，爲賦以弔屈原。招魂，見前。謚，陳列也。

新婚別後便無家，（自注）嘗作新婚別圖，後又作無家別卷，則予遊東海蓬萊時也。從不傷心戀若耶。

豈必死爲金鎖佛？不該生葬玉鈎斜。（自注）山莊左右，南宋之宮人斜也。予初卜築，愛我者咸勸無住。身爲好女才名誤，骨化飛龍藥力差。幸是小紅先死了，（自注）先是婢通筆墨者死。至湖墅，又葬一鬟。弗然啼盡馬塍花。

【新婚句】杜市詩有「新婚別，離家別」。

【若耶】山名，在浙江紹興縣南，下有溪曰若耶溪，即西施浣紗處也。見《會稽志》。

【金

鎖佛】《玄怪錄》：延州有婦人孤行城市，及卒，有胡僧向墓敬禮，曰：「此鎖子骨菩薩也，不信，可啓視之。」開墓視之，徧身骨鈎結，皆如瑣狀。

【玉鈎斜】隋宮人葬處，在今江蘇江都縣境。《廣陵志》：府治西北有玉鈎斜，隋煬帝葬宮人處，一名宮人斜。【骨化飛龍】《古

讀曲歌》：自從別卿後，臨宿頭不舉。飛龍落藥店，骨出則爲汝。

【馬塍】地名，在浙江杭縣西，溜水橋北，吳越時爲蓄馬之所，故名。

處。（隋志）東西馬塍，在杭州餘杭門外，居民種花之地也。《瓶水齋集》得仲瞿山中詩，卻寄詩注：所居庵即南宋馬塍，爲姜白石棲隱處。

吹斷松陵一夜簫，垂虹亭畔誤停機。（自注）至杭道中作「垂虹小景」，德勝園圖。好名要造

梅花墓，扶病來看浙水潮。豔我秋花吟小字，（自注）自字秋紅，余遂以種秋名堂。泥（自注）詞人紅葉

造長橋。（自注）邊宅皆大章紅葉，初至造紅橋以通來往。從君地老天荒去，月窟歸魂何處招？

【松陵】即吳江縣，唐爲松陵鎮地。

【垂虹亭】見前。

【泥】以柔言，要求曰泥。

【月窟】《晉書·張衡傳》：擾攘免於月窟兮，詰

姮娥於蟾收。〔梁簡文帝大法頌〕西踰月窟，東漸扶桑。

巫山滄海哭前非！一夢曹騰入會稽。〔自注〕姮越時，彈香靈牀未抵。蟾簿切。各絲機

王肅婦，人新衣故竇玄妻。滿樓經咒三年跪。〔自注〕予遊學京師，彈香祈禱於大士之神，長齋經咒，思感成

夢，予歸數日，復勸予寫草。又三年既拜，當歷昔年。六尺棺和一地泥。記得斷杼遊學日，倩娘魂重夜

長迷。〔自注〕舊語人曰：渠每一出，予魂行千里，見黃河大江，及將化之日，奴感異夢，予乃自秣陵還歸。

〔巫山滄海〕〔元稹詩〕曾經滄海難爲水，除却巫山不是雲。〔曹騰〕〔范成大詩〕尋思斷夢半霄騰，漸見天聰紙瓦明。〔王

肅婦〕肅字子雍，魏東海人。官至散騎常侍，爲尚書，諡諡三禮。左氏解，又撰定其父朗所作易解。案此謂其元配朱氏也。肅則取其同姓

以自況。〔竇玄妻〕玄狀貌絕異，天子使出其妻，妻以公主。妻悲怨，寄書及歌與玄，時人憐之；其歌云：羣芳白兔，東走西顧，衣不如新，

人不如故。〔棺和一〕棺題曰和。〔呂〕見棺之前和。〔斷杼遊學〕〔後漢書〕列女傳：河南樂羊子遠尋師學，一年來歸，妻疑問

其故。羊子曰：久行懷思，無他異也。妻乃引刀趨機而言曰：夫子發學，當日知其所亡，以就懿德；若中道而歸，何異斷斯絇乎？羊子感其言，

復還終業，遂七年不返。〔倩娘〕唐張鎰居衡州，有女曰倩娘，甥曰王宙。宙幼聰慧，鎰許以女妻之。及長，兩相愛慕，鎰忽以女別字，女

聞鬱抑，宙亦悲恨，託言赴京，買舟遂行。夜半感想不寐，倩娘忽至，悲喜之餘，挈與俱遁，居蜀五年，生二子，始共歸衡州，宙詣鎰自謝，鎰大

驚，以其女固在室，病數年，未離閨闥也。兩女既相見，翕然合爲一體。陳玄祐爲作離魂記。

桐棺咫尺寓滄浪，（自注）滄浪亭爲錢氏囑展厝處，先一年沒於吳市西橋。慟殺嬌兒哭佛堂。一夢

桃花深巷口，（自注）桃花巷在湧金門內，錢以故家族譜來歸，予時年十九，讀書會稽樊宮，以外大父命納爲貳室。兩朝紅

豆舊山莊。（自注）錢氏爲處山總管孫女也。銀濤白馬春三月，（自注）嘗先後隨予內外，六渡錢江，皆桃花時候。鬼

火青燐郡音第二房，便是翺風三十後，也應魂魄戀錢塘。

【桐棺】以桐木爲棺，材之下者也。（帝王世紀）禹衣衾三領，桐棺三寸。【滄浪】亭名，在今江蘇吳縣城內。（石林詩話）錢氏廣陵

王元璩別園，宋蘇舜欽得之，築亭曰滄浪。【紅豆山莊】在江蘇常熟縣小東門外，清錢謙益所居之地，因有紅豆而名，謙益自稱

紅豆老人。【銀濤白馬】（錄異記）夫差殺伍子胥，煮之於錢，乃以賜夷，棄投之於江。子胥悲恨，驅水爲濤，時有見子胥乘車白馬

在潮頭之中，因立廟以祠焉。【鬼火青燐】（靈靈詩）日入鬼燐生。【翺風錢塘】並見前。

杜默文章爲爾歸，憤王墳上紙錢灰。身從一渡烏江後，人是三年泣血回。（自

注）亡人終父服三年。浙水波濤迎白馬，虎山環佩送紅梅。（自注）至臨第一日，於虎邱送梅，各有絕句。至今

回想新婚淚，多似吳門蠟燭堆！

【杜默】字師雄，宋廬陽人，豪於詩歌，優美不得志，嘗被酒入項王廟，抱神像而大言曰：英武如大王，不得天下，文章如杜默，顯於一第，

傷哉因大哭。**【憤王】**（甫史蕭梁傳）爲吳興太守，都有項羽廟，土人名爲憤王，甚有靈驗。**【吳門】**（吳縣別稱，今吳縣城盤門外）

有吳門橋（韓詩外傳）顏回從孔子登日觀，望吳門焉。見一足綰，孔子曰：馬也。

他生未卜此生休！遺下胥門月一樓。細女尙傳新髻樣，名姬還插舊搔頭。鐙船妓館來時路，酒市花城昨日舟。惟有唐寅祠墓在，（自注）亡人嘗手鈔唐寅全稿，贈予浣明府，唐公柏刻，今祠墓遂新。桃花橋水不西流。

【他生句】用李商隱馬嵬詩次句。**【胥門】**（吳縣城西門也）。**【搔頭】**（簪名，西京雜記）武帝過李夫人，就取玉簪搔頭，自後宮人搔頭皆用玉。（劉禹錫詩）蜻蜓飛上玉搔頭。

【唐寅祠墓】（唐寅，字子畏，一字伯虎，吳縣人。弘治中，鄉試第一。畫入神品，寧王宸人搔頭皆用玉。）

漆以厚幣聘之，寅察其有異志，佯狂使酒，宸遂不能堪，乃還。祠在吳縣桃花塢，墓在橫塘王家村。

香魂何處自安排？買得蘇臺不與埋。（自注）初買蘇臺山爲全家葬地，後歸友人爲殯，時嘉慶三年也。

曾有響廊遺步履，（音）可能留影葬弓鞋。詩情似海名何在，筆塚如山夢已乖！惟有

橫塘雙燕子，飛來還認舊金釵。

【蘇臺】（山名，一名姑蘇山，又名胥臺山，在江蘇吳縣西南三十里，橫山西北）。**【響廊句】**（吳王宮中有響廊，以檀梓板藉地，行則

有聲其遺址在今吳縣靈巖山中，見《姑蘇圖經》。

【月鞋】郭玉美人折花歌：花刺鈎衣花落手，草根露濕月鞋綰。

【筆塚】

《尚書故實》：信智永，王羲之後也。學書積年，禿筆入於甕，一甕皆容數百，後埋于地，號退筆塚。

【橫塘】在吳縣西南十里，經貫南北

之大塘也。南極暨斯，北抵風橋，分道東出，故名橫塘。

曾在冰天雪窖中，梅花玄墓與君同。今生已付三更夢，故紙徒留一海風。（自

注）有香港海圖。別後歸雲千尺雪，來時香月半山紅。（自注）曾泊舟翠亭之半山，看梅數日，十倍香海。匆匆

五六年間事，簫鼓樓船色色空。

【冰天雪窖】孟郊詩：鏡海見纔悉，冰天步飄飄。元好問詩：崩奔翻雪窖，盤帶濕瓊甃。【玄墓】見前。

從此先君有敝廬，闔門填土可憐渠！身為東國齊諧志，（自注）時游登萊。人隔南天

越絕書。渡海波濤詩信息，還山鐙火婢鈔胥。至今兩處蓬萊閣，尚有丹青同寄予。

（自注）越中蓬萊閣，尙存。登州閣，今在常州趙味辛太守處。

【闔門填土】《文集繼室金氏五雲墓誌銘》：行有日矣，而少微星隕，丈人山摧，則五雲金刀割臂，闔門填土，三年泣血也。（注）以封

臂創發，漬血塗年。

【齊諧志】《莊子》：齊諧者，志怪者也。案齊諧，本人姓名，後人借以名書。（唐書藝文志）：東陽無疑齊諧記七卷，吳

筠撰齊諧記一卷。

【越絕書】書名，不著撰人姓氏，其文縱橫曼衍，與吳越春秋相類，而博麗曼衍則過之。四庫提要以爲漢袁康

撰。【鈔胥】胥吏也，事供鈔寫，故謂之鈔胥。

紅欄七十二公堂。（自注）開有自松四，額曰七十二公之堂。一閣秋花六月黃。細寫建安談

出處。（自注）兼建安七子圖，凡四十五日而成。閒評女史論文章。（自注）時集昭明閣女史選十卷，將仿五臣注釋。琵琶

琶國手佳人面。（自注）華亭徐秋暉等凡十一人，工琵琶者，擬以東偏院爲琵琶館，鐵雲先生有國手琵琶國色聽之句。鵲鴝

家禽侍史牀。（自注）得紅鸚鵡於石狀元家。十六院姬圍滿座，清河舫子自風涼。

【建安】見前銅雀臺故址詩注。【十六院】大業雜記：元年築西苑，其內造十六院：第一延光院，第二明彩院，第三合香院，第四

承華院，第五凝暉院，第六麗景院，第七飛英院，第八流芳院，第九羅儀院，第十結綺院，第十一百福院，第十二樂善院，第十三長春院，第

十四永樂院，第十五清暑院，第十六明德院。【清河舫】畫舫名，明張丑撰清河畫舫十二卷。

毫金髮翠寫姪娥。（音）不寫雲臺馬伏波。每愛倭（烏戈切）夷東紙好，（自注）東國以細絮

（舊易書）最嫌蕭賁（彼義切）扇頭多。（自注）亡人有山人不是齊蕭賁，日與閒人畫扇頭之句。蓋本南史故事也。思傳妹

子楊娃筆，留中宣和進士科。不道五棺三日裏，金錢無福畫維摩。

【姪娥】漢女官名，武帝所寵，位視中二千石，爵比關內侯。（漢書注）姪娥，美貌。【雲臺】漢宮中臺名。（後漢書馬援傳）永平初，援

女立爲皇后，顯宗圖畫建武中名臣列將於雲臺，以椒房故，獨不及授。

【馬伏波】（馬援傳）援字文淵，扶風茂陵人。拜伏波將軍，南

擊交趾，與賊戰，破之，斬獲頗衆，傳首洛陽，封爲新息侯，食邑三千戶。

【倭夷】日本也。（元史）日本國在東海之東，古稱倭奴國。

（墓誌銘注）銅船以所畫維摩像及十大弟子十餘額入日本，而倭國長旌將軍以柳架棧來乞畫。

【蕭賁】（南史）字文爽，形不滿六尺，神機耿介，幼好學，有文才，能書善畫，於扇上畫山水，咫尺之內，便覺萬里爲遙，矜價不傳，自娛而已。好著述，嘗著西京雜記六十卷。

【楊娃】宋會稽人，亦稱楊娃子，寧宗恭聖皇后妹，以藝文供奉內庭，有題馬遠松院鳴琴小幅。

【宣和進士】宣和，宋徽宗年號。（藝學表記）徽宗政和中，建設畫學，用太學法補試四方畫工，以古人詩句命題。

【瓦棺】寺名。（梁書）獨子國傳：晉義熙初，遣獻王像，像歷晉宋，世在瓦棺寺。寺先有戴安道手製佛像，及顧長康維摩畫圖，世人謂爲三絕。

【維摩】即維摩羅詰，菩薩名，其義爲靜名。（見翻譯名義集）

誰把金經小字臨，經壇膜拜最傷心！
 深。賺我忘情遊鴈宕，爲人力疾畫觀音。
 不爲山妻早一尋。

【膜拜】長跪拜也。一說舉手加頭，又稱南膜拜。

【鴈宕】山名，亦稱雁蕩，在浙江樂清縣東九十里，盤曲數百里，其峯百有二，谷十

洞八，巖三十，爭奇競勝，遊歷難徧。絕頂有湖，水常不涸。雁之春歸者留宿焉，故曰雁蕩。

【觀音】即觀世音，唐人諱世字，但稱觀音，後

世遠治用之。法華經苦惱衆生，一心稱名，菩薩即時觀其音聲，皆得解脫，以是名觀世音。
山妻。
【山妻】杜甫詩：理生那免俗，方法報

飄然一去不嫌渠，奈此蕭綱萬卷書。班史無心誠子婦，（自注）擬爲媳輩作遺稿注，著不果
成而沒。西施有女嫁專諸。（自注）寄女薛年，自越中來嫁於吳門專諸巷，距沒日半月耳。龔留邱嫂情難報，死

負中郎命不如。記得蔡邕憐愛日，不堪回首代嘯。（自注）予與梅園舅忘年舊友，死以女託。

【蕭綱】梁簡文帝也。（南史梁本紀）太宗簡文皇帝諱綱，字世讚，小字六通，武帝第三子，昭明太子母弟也。所著昭明太子傳五卷，

王傳三十卷，禮大義二十卷，長春義記一百卷，法寶連璧三百卷，謝客文選謂三卷，玉簡五十卷，沈明符十二卷，易林十七卷，臨經二卷，

沐浴經三卷，馬梨譜一卷，藥品五卷，彈棊譜一卷，新看白澤圖五卷，如意方十卷，文集一百卷，並行於世。【班史】謂班昭也。詳前殘

經句注，（後漢書列女傳）作女誡七篇，有助內訓。【邱嫂】漢書楚元王傳：初高祖微時，時與貧客過其丘嫂，食，嫂厭叔與客來，

陽爲羹盡，客以故去，已而視釜中有羹，辭是怨嫂。【中郎】（後漢書蔡邕傳）邕字伯喈，陳留圉人。初平元年，拜左中郎將。（又

列女傳）陳留重祀妻者，同郡蔡邕之女也，名琰，字文姬，博學有才辯，又妙於音律。

伏川此築事何癡？天路茫茫不可思。既死已同花落去，再來除遇佛生時。家
如一會靈山散，身似諸天劫滿宜。只恨平生潦倒事，連他亡魄未全知。

【伏川】見前。【天路】（聖衡幽通賦）抑天路而同軌。【茫茫】廣大貌，（左傳襄四年）茫茫禹迹。【靈山】即靈鷲山，在印度摩揭陀國王舍城之東北（傳燈錄）釋迦在靈山會上，手拈一花示衆，迦葉見之，破顏微笑，世尊遂付以正法眼藏。【諸天】佛經三界二十八天，稱爲諸天，言其清淨光潔，與蒼蒼在上之天不同。【潦倒】謂所如不合也。（嵇康與山巨源絕交書）足下舊知吾潦倒麤疏，不切事情。

別法梧門庶子詩龕

法式善，字開文，號時帆，蒙古正黃旗人。乾隆進士，以研求文獻宏獎風流爲己任，士有一

藝之長者，莫不被其容接。所居曰梧門書屋，藏書甚富，著有存素堂集。

一龕

音

生意冷於僧，海子橋頭六月冰。南國詩人薩都刺，音中原儒雅斛斯

徵。金牌石鼓成均舊，黃鵬音東宮庶子能。（自注）由祭酒左遷。從自西涯提倡後，祇將公

當古然鐙。

【冷於僧】（李咸用詩）拋擲家鄉輕似夢，尋常心地冷於僧。【海子橋】在北平，北方稱湖沼曰海子。【六月冰】（西征記）

陵寒冰井有六月冰。【薩都刺】字天錫，號直齋，元雁門人，本答失蠻氏。登泰定進士，官御史，左遷淮西北道廉訪司經歷，尋致仕。

薩詩流麗清婉，最長於情，有雁門渠。【斛斯徵】字士亮，隋富昌人。其先世爲莫弗大人。徵博涉羣書，尤精三禮，兼解音律。大統末，起

家通直散騎常侍，周武帝以徵經有師法，詔令授皇諸子。宣帝時爲魯公，進封岐國公，除太子太傅、大宗伯、鄼譯之，下獄，獄卒張元平出之，後遇赦得免，坐除名，隋文帝踐極，復官爵，除太子太傅，仍詔徵修撰樂書。【金牌石鼓】國子監有周宣王獵碣凡十，其形如鼓，而頂微凹，金牌未詳。【成均】大學也，周設五大學，南曰成均，法爲國子監祭酒。【黃鴈東宮】（鮑書郭祚傳）祚曾從世宗幸東宮，肅宗幼弱，祚懷一黃鴈出奉肅宗。【庶子】官名，分掌左右春坊。【西涯】李東陽，字賓之，號西涯，明茶陵人。天順進士，孝宗時官至大學士，立朝五十年，清節不渝，以老疾乞休，卒諡文正。爲文典雅流麗，工篆隸書，自明興以來，宰臣以文章領袖縉紳者，楊士奇之後，東陽一人而已。有懷麓堂集。【然鐙】見前。

讀雲伯大令新寫頤道堂集將毀其碧城仙館舊刻而重鐫者翻

虛入渾三舍避之蓋眞州遇舒鐵雲丈時已知此集之光也陳文

述，字雲伯，號退齋，錢塘人。嘉慶舉人，官全椒知縣，工西昆體，博雅壯麗，極似吳偉業。眞州，即今江蘇儀徵縣，宋置州，明廢。

必傳兩字又何疑，不遇桓譚不道奇。五本自書長慶在，一編傳到谷音渾音

宜。詩從而後人難做，紙向將來貴不支。五百注韓千注杜，大家燒卻別填詞。（自注）

予與舒丈皆擬以詞曲度老，今舒沒而予僅存。

【桓譚】字君山，後漢相人。漢書揚雄傳：「唯劉歆及范滂敬焉，而桓譚以爲絕倫。」大司空王邑納言：「嚴尤開雄死，謂桓譚曰：『子常稱揚雄書，豈能傳於後世乎？』」譚曰：「必傳，願君與譚不及見也。」

【長慶】唐穆宗年號，時元稹、白居易以詩齊名，又相友善，其詩文集俱題長慶。今通行者，元氏長慶集六十卷，補遺六卷，白氏長慶集七十一卷。

【谷渾】吐谷渾，國名，今四川松潘縣及青海省皆其故地。

【五百句】注釋者五百家，注杜者千家。

崇寧刻到政和年，直與昭明宋版鐫。孔子舊經三百首，（自注）謂碧城舊刻，斷不可廢。放翁新樣九千篇。翻空齊魯韓毛說，不許蘇黃李杜傳。從此陳陳詩世界，安排槌鑿另開天。

【崇寧政和】並宋徽宗年號。

【昭明】謂梁昭明太子文選也。

【孔子句】（史記孔子世家）古者詩三千餘篇，及孔子去其重，取可施於禮義，上采契后稷，中述殷周之盛，至厲厲之缺，三百五篇，孔子皆弦歌之，以求合韶武雅頌之音。

【放翁句】陸游字務觀，山陰人。以蔭補登仕郎，孝宗時除樞密院編修，知鑾殿二州。范成大帥蜀，游爲參議官，以文字交，不拘禮法。人譏其類放，因自號放翁。以寶章閣待制致仕。游才氣超逸，尤長於詩，卒年八十五。嘗愛蜀道風土，題其生平所爲詩曰劍南詩稿。

【齊魯韓毛】（漢書藝文志）詩經二十八卷，魯齊韓三家。（注）應劭曰：申公作魯詩，后者作齊詩，韓嬰作韓詩。（文儒林傳）毛公，趙人也，治詩。

【蘇黃李杜】宋蘇軾、黃庭堅、唐李白、杜甫也。

如來結集待阿難，劉向傳經馮道刊。半世功名甘刻楮，百年心血苦雕肝。文能壽世須三寫，身是傳人只一官。多少古人皆不死，一編原是古金丹。

【如來】佛號，（金剛經）無所從來，亦無所去，故名如來。【結集】佛滅後，諸弟子相會，爲防止異見邪說，誦佛陀之說法，舉各自所聞確實者，結集成爲大小乘經典，計小乘經結集凡四次，大乘祕密經各一次。

【阿難】釋迦如來弟子，與釋迦爲從兄弟。釋迦歿後，與弟子撰集諸經傳世，後繼迦葉爲長老。【劉向】字子政，本名更生，漢宗室，初爲諫大夫，宣帝招選名儒俊材，向以通達能屬文，與否，元帝時爲中書校尉，管校書天祿閣，輒論其指歸，辨其訛謬，敘而奏之。及子歆嗣父業，遂總括羣篇，撮其指要，著爲七略。

【馮道】字可道，五代瀛洲登城人。初爲劉守光參軍，後歷仕唐、晉、漢、周四朝，三入中書，在相位二十餘年，自號長樂老。愛日齋叢鈔，唐明宗之世，宰相馮道李恩，請令判國子監田敏校定九經，刻板印賣，從之。後周廣順三年六月丁巳板成，獻之，由是雖亂世，九經傳布甚廣。

【刻楮】（列子）宋人有爲其君以玉爲楮葉者，三年而成，亂之楮葉之中，而不可別也。列子聞之曰：使天地之生物，三年而成一葉，則物之有葉者寡矣。【雕肝】（歐陽修詩）朝吟搖頭暮蹙眉，雕肝琢腎聞退之。

【金丹】（抱朴子）金液入口，則其身皆金色，老幼受之于元君，黃金入火，百鍊不銷，埋之畢天不朽，是爲金丹。

海上雜詩

十四首錄三首

欲全唐祚倖亡身，一輩同流有四人。功在八年名父子，死能一怒定君臣。

書傳堯典渾難信，尸副切披健吳刀必不真。豈有玄魚人化獸，中天冤案未曾申。

【欲全唐祚】（韓非子）堯欲傳天下於舜，舜諫曰，不辭哉！我以天下而傳之於匹夫乎？堯不聽，舉兵而誅殺舜於羽山之郊。

【辟亡身】辟，很也，剛也。（離騷）縣辟直以亡身兮，終然殫乎羽之野。

【同流】（齊舜典）流共工于幽州，放驩兜于崇山，竄三苗于三危，殛鯀于羽山，四罪而天下咸服。按羽山在今山東省蓬萊縣東三十里，縣南六十里有縣城。

【功在句】（孟子）禹八年於外，三過其門而不入。【死能句】（拾遺記）堯命夏鯀治水，九載無績，鯀自沉於羽淵，化為玄魚，時揚鬣振鱗，橫作波之上，見者謂爲河精。羽淵與河海通源也。海民於羽山之中，修立縣廟，四時以致祭祀，常見玄魚與蛟龍競躍而出，觀者驚而畏矣。至舜命禹疏川奠岳，濟巨海，則鯀壘而爲梁，踰翠岑，則神龍而爲馭，行過日月之域，惟不踐羽山之地，皆聖德感鯀之靈化。

【堯典句】（堯典）尚書篇名。序云：昔在帝堯，聰明文思，光宅天下，將遜于位，讓于虞舜，作堯典。案書自秦火以後，得之伏生口傳，至東晉梅賾始上古文尚書二十五篇，託諸孔壁，缺舜典一篇。齊建武四年，姚方興云於大航頭買得之，故曰難信也。

【吳刀句】（歸藏）鯀死三歲不腐，剖之以吳刀，化為黃龍。按副析也。（禮）爲天子削瓜者副之。

析也。（禮）爲天子削瓜者副之。

長城一面飲朝噉切發溫又噉同啖滄瀛關一闌。中國果然秦萬世，相公能免

蔡東門。祖龍文字真奇僻，牽犬功名太老昏。欲取蒙恬新不律，重書二字與招魂。

秦東門李斯刻石。

【朝暉】旭日也。【滄瀛】猶言滄海。【闢門也。】

【秦萬世】（史記秦始皇紀）自今已來除誅法，朕爲始皇帝，後世以計數，二世三世，至千萬世，傳之無窮。【蔡東門】（史記李斯傳）斯，上蔡人，與其中子俱執，顧謂曰：吾欲與若復率黃犬，出上蔡東門，逐狡兔，豈可得乎？遂父子相哭，而夷三族。【祖龍】見前。【蒙恬】秦將。（古今注）蒙恬造筆，以柘木爲管，鹿毛爲柱，羊毛爲被。【不律】（爾雅）不律謂之筆。（說文）楚謂之聿，吳謂之不律，燕謂之弗。

神仙富貴兩紛紛，人莫聰明過十分。老去英雄多諱死，古來臣子半欺君。母寧好色汙青史，且勿長生笑白雲。尙有望仙門子在，蓬萊山是武皇墳。

漢武帝望仙門在蓬萊縣城內，卽鹽樸也。相傳漢武帝遣方士望仙於此。

【青史】古以竹簡書事，謂之削青，故謂記事之史曰青史。（大戴記）青史之記。

【白雲】（趙飛燕外傳）帝大悅，謂嬪曰：吾老是鄉矣，不能效武皇帝求白雲鄉也。【蓬萊山】（漢書郊祀志）蓬萊，方丈，瀛洲，此三神山者，共傳在渤海中，去人不遠，蓋曾有至者，諸仙人及不死之藥皆在焉。

七絕

題五雲所畫大唐長公主像

（廣列女傳）唐平陽公主，高祖女也，嫁柴紹。初高祖兵興，主居長安。紹曰：尊公將以兵清京師，我欲往，恐不能償，奈何？主曰：公行矣，我自爲計。紹詭道走并州，主奉獻，發家貲，招南山亡命，得數百人，以

七律 七絕

五五

七律 七絕

五五

晉注王仲瞿詩

五六

應帝。申法示衆，禁剽掠，遠近感附，咸振關中。帝既河，紹及主對置幕府，分定京師，號娘子軍。

獨將偏師冠一軍，入關娘子是功臣，凌煙閣上無名姓。闕寫開唐第一人。

【凌煙閣】在陝西長安縣城中，唐之西內太極殿之東。（唐書太宗紀）貞觀十七年二月戊申，圖功臣於凌煙閣，案長孫無忌、趙郡王孝恭、杜如晦、魏徵、房玄齡、高士廉、尉遲敬德、李靖、蕭瑀、段志玄、劉弘基、屈突通、殷開山、柴紹、長孫順德、張亮、侯君集、張公瑾、程知節、虞世南、劉政會、唐儉、李世勣、秦叔寶，凡二十四人。

春草池聞四絃聲

春草池，一名謝公池，在浙江永嘉縣。太平寰宇記：在温州西北三里積穀山東。（南史謝方

明傳）子惠連，年十歲，能屬文，族兄靈運加賞之，云：每有篇章，對惠連輒得佳語。嘗於永嘉西堂，思詩竟日不就，忽夢見惠連，即得池塘生春草，大以爲工。嘗云：此語有神功，非吾語也。

中年哀樂一琵琶，春草池邊好部鼃。同彈到蒼茫人不見，晚風吹冷白荷花。

【部鼃】（南史孔珪傳）珪字德璋，會稽山陰人。風韻清疏，不樂世務，門庭之內，草萊不翦，中有蛙鳴，或問之曰：欲爲陳蕃乎？珪笑答曰：我以此當兩部鼓吹，何必效蕃？

【蒼茫】無涯貌。（富嘉謨詩）北陸蒼茫河海濶。

（終）

民國廿五年八月發行
民國三十年一月三版

中國文學精華

音注 舒鐵雲 王仲瞿 詩（全一冊）

◎ 實價 國幣 六角

（郵運匯費另加）



輯注者 中華書局

發行者 中華書局有限公司
代表人 路錫三


印刷者 上海澳門路
美商永寧有限公司

總發行處 昆明 中華書局發行所

分發行處 各埠 中華書局

82
576220

標商冊註



(80)
(614)
(10)